

四庫全書

史部

欽定四庫全書

資治通鑑卷一百六十六 宋 司馬光 撰

胡三省 音註

梁紀二十二

起旃蒙大淵獻盡柔兆困敦凡二年

敬皇帝

諱方智字慧相小字法真元帝第九子也謚法夙夜警戒曰敬

紹泰元年

是年十月方改元

春正月壬午朔邵陵太守劉茱將

兵援江陵

吳孫皓寶鼎元年分零陵北部都尉置邵陵郡隋廢邵陵郡為邵陽縣屬長沙郡唐為邵

州葉符分翻

將即亮翻 至三百里灘部曲宋文徹殺之帥其衆還

據邵陵

帥讀曰率

梁王譽即皇帝位於江陵

譽字理孫梁昭明太子之弟

三子也

考異曰周書譽傳云譽在位八載保定二年薨然則譽雖以甲戌年為魏所立乙亥年乃即位改元

也

改元大定追尊昭明太子為昭明皇帝廟號高宗妃

蔡氏為昭德皇后尊其母龔氏為皇太后立妻王氏為

皇后子歸為皇太子

歸區韋翻又苦鬼翻又丘愧翻

賞刑制度並同王

者唯上疏於魏則稱臣奉其正朔

上時掌翻

至於官爵其下

亦依梁氏之舊其勲級則兼用柱國等名

勲級置以賞功柱國魏所

置也為勲級之首

以詔議參軍蔡大寶為侍中尚書令參掌選

事

選須
絹翻

外兵參軍太原王操為五兵尚書大寶嚴整有

智謀雅達政事

雅素也

文辭瞻速後梁主推心任之以為

謀主比之諸葛孔明操亦亞之追贈邵陵王綸太宰謚

曰壯武

邵陵王綸死
於大寶二年

河東王譽丞相謚曰武桓

河東王
譽死于

大寶元年以莫勇為武州刺史魏永壽為巴州刺史

武州巴
州皆置

於江陵之南岸二將尋為
侯平所擒不能有二州也

湘州刺史王琳將兵自小

桂北下

據姚思廉陳書小桂嶺名輿地志連
州桂陽縣漢屬桂陽郡所謂小桂也

至蒸城

蒸縣古城
也在衡州界

聞江陵已陷為世祖發哀三軍縞素

為于
偽翻

編古遣別將侯平帥舟師攻後梁帥讀琳屯兵長沙傳

檄州郡為進取之計長沙王韶及上游諸將皆推琳為

盟主齊主使清河王岳將兵攻魏安州五代志安陸郡西魏置安

州以救江陵岳至義陽江陵陷因進軍臨江郢州刺史

陸法和及儀同三司宋蒞舉州降之降戶江翻考異

蒞今從北齊紀又北齊紀云壬寅岳渡江克夏長史江

夏太守王珉不從殺之夏戶甲午齊召岳還使儀同三

司清都慕容儼戍郢州北齊書慕容儼清都武安人號

之後也按魏收地形志東魏都

鄴以魏郡置魏尹武安縣屬焉五代志齊官有清都尹蓋改魏尹為清都尹也考異曰梁紀四月法和降齊遣侯瑱討之按齊主與王僧辯書云清和王岳今次漢口與陸居士相會然則法和先已降齊也今從輿略

王僧辯遣江州刺史侯瑱攻郢州任約徐世譜宜豐侯

循皆引兵會之

瑱他旬翻又音鎮任音壬

辛丑齊立貞陽侯淵明

為梁主使其上黨王渙將兵送之

寒山之敗貞陽没于齊

徐陵湛

海珍等皆聽從淵明歸

武帝太清二年徐陵使魏魏禪於齊而梁又有侯景之亂是以

留北湛海珍降見一百六十二卷三年

二月癸丑晉安王至自尋陽入

居朝堂

朝直遥翻

即梁王位時年十三以太尉王僧辯為中

書監錄尚書驃騎大將軍都督中外諸軍事

驃匹妙翻
騎奇寄翻

加陳霸先征西大將軍以南豫州刺史侯瑱為江州刺

史湘州刺史蕭循為太尉廣州刺史蕭勃為司徒鎮東

將軍張彪為郢州刺史齊主先使殿中尚書邢子才

馳傳詣建康與王僧辯書以為嗣主冲藐

傳張戀翻
藐亡沼翻

未

堪負荷

荷下可翻
又如字

彼貞陽侯梁武猶子長沙之胤

貞陽
雖為

縲臣於齊而貞陽侯則梁爵也故於僧辯書稱彼
貞陽侯淵明長沙王懿之子武帝兄子故曰猶子以年

以望堪保金陵故置為梁主納於彼國卿宜部分舟艦

迎接今主

分扶問翻
艦戶黯翻

并心一力善建良圖乙卯貞陽侯

淵明亦與僧辯書求迎僧辯復書曰嗣主體自宸極受

於父祖

又當作文蓋用
受終於文祖事

明公儻能入朝同獎王室

朝直
遙翻

伊呂之任僉曰仰歸意在主盟不敢聞命甲子齊以陸

法和為都督荆雍等十州諸軍事太尉大都督西南道

大行臺

雍於
用翻

又以宋蒞為郢州刺史蒞弟逵為湘州刺

史

逵初

甲戌上黨王渙克譙郡

梁置合州于合肥立南
譙郡于襄安縣界襄安

漢之巢縣也梁置蘄縣隋
改曰襄安唐復曰巢縣

已卯淵明又與僧辯書僧辯

不從 魏以右僕射申徽為襄州刺史

魏既得梁雍州改曰襄州因襄

陽以名州也

侯平攻後梁巴武二州故劉荼主帥趙朗殺

宋文徹以邵陵歸於王琳

帥所類翻

三月貞陽侯淵明至

東闕散騎常侍裴之橫禦之齊軍司尉瑾儀同三司蕭

軌南侵皖城

晉熙郡懷寧縣漢之皖城也散志直翻騎奇奇翻皖戶板翻

晉州刺史

蕭惠以州降之

江翻

齊改晉熙為江州

齊晉州治平陽故此晉州改為

江州以尉瑾為刺史丙戌齊克東闕斬裴之橫俘數千人

王僧辯大懼出屯姑孰謀納淵明 丙申齊主還鄴封

世宗二子孝珩為廣寧王

珩音行

延宗為安德王

孫瑒

間江陵陷棄廣州還

瑒雉杏翻又音暢

曲江侯勃復據有之

去年

蕭勃避王琳居始興復扶又翻

魏太師泰遣王克沈炯等還江南

去年

江陵陷王克等入長安

泰得庾季才厚遇之令參掌太史季才散

私財購親舊之為奴婢者泰問何能如是對曰僕聞克

國禮賢古之道也

武王克商釋箕子囚武商容問封比干墓所謂禮賢也

今郢都

覆沒其君信有罪矣

江陵楚之故都古郢城及渚宮皆在其地

搢紳何咎皆

為阜隸

杜預曰阜隸賤官阜才早翻隸力計翻

鄙人羈旅不敢獻言誠竊

哀之故私購之耳泰乃悟曰吾之過也微君遂失天下

之望因出令免梁俘為奴婢者數千口夏四月庚申

齊主如晉陽五月庚辰侯平等擒莫勇魏永壽江陵

之陷也永嘉王莊生七年矣莊世子方等之子元帝之孫尼法慕匿

之尼女夷翻王琳迎莊送之建康庚寅齊主還鄴王僧

辯遣使奉啓於貞陽侯淵明定君臣之禮又遣別使奉

表於齊使疏吏翻以子顯及顯母劉氏弟子世珍為質於淵

明質音致考異曰典略三月辛卯遣廷尉張種等遣送質於鄴按淵明五月始入建康疑太早恐非

左民尚書周弘正至歷陽奉迎

晉武帝太康中置左民尚書唐六典曹魏置左

民尚書晉惠帝置右戶尚書唐戶部尚書即左民右戶之任也

因求以晉安王為皇太

子淵明許之淵明求度衛士三千僧辯慮其為變止受

散卒千人

散蘇旱翻散卒者冗散之卒非敗散之卒也敗散之散去聲

庚子遣龍舟

法駕迎之淵明與齊上黨王渙盟於江北辛丑自采石

濟江

考異曰梁紀七月辛丑淵明濟江甲辰入京師北齊紀五月蕭明入建業按典略五月庚子僧辯

逆淵明辛丑濟江癸卯至建康今從之

於是梁輿南度齊師北返僧辯疑

齊擁楫中流

楫與楫同擢也所以撥水行船楫附船而不鼓則船定而不進

不敢就西

岸齊侍中裴英起衛送淵明與僧辯會於江寧癸卯淵明入建康望朱雀門而哭逆者以哭對丙午即皇帝位改元天成以晉安王為皇太子王僧辯為大司馬陳霸先為侍中六月庚戌朔齊發民一百八十萬築長城自

幽州夏口西至恒州九百餘里

幽州夏口蓋即居庸口也幽州軍都縣西北

有居庸關濕餘水出上谷沮陽縣之東南流出關謂之下口夏當作下恒戶登翻

命定州刺史

趙郡王叡將兵監之叡琛之子也

趙郡王琛即高永寶歡之弟也永寶琛字

監工衙翻琛丑林翻

齊慕容儼始入郢州而侯瑱等奄至城下儼

隨方備禦瑱等不能克乘間出擊瑱等軍大破之

間古莧翻

城中食盡煮草木根葉及靴皮帶角食之

靴許戈翻

與士卒

分甘共苦堅守半歲人無異志貞陽侯淵明立乃命瑱

等解圍瑱還鎮豫章齊人以城在江外難守因割以還

梁儼歸望齊主悲不自勝

勝音升

齊主呼前執其手脫帽

看髮歎息久之

吳興太守杜龕

龕苦含翻

王僧辯之壻也

僧辯以吳興為震州

因震澤以爲州名

用龕為刺史又以其弟

侍中僧愔為豫章太守

愔於今翻

壬子齊主以梁國稱藩

詔凡梁民悉遣南還 丁卯齊主如晉陽壬申自將擊

柔然

將即亮翻

秋七月己卯至白道留輜重

重直用翻

帥輕騎五

千追柔然壬午及之於懷朔鎮齊主親犯矢石頻戰大

破之至於沃野獲其酋長

水經注雲中郡有白道嶺白道川帥讀曰率騎奇寄翻酋

慈秋翻長知兩翻

及生口二萬餘牛羊數十萬壬申還晉陽

八月辛巳王琳自蒸城還長沙 齊主還鄴以佛道二

教不同欲去其一集二家論難於前

去羌呂翻難乃旦翻

遂敕道

士皆剃髮為沙門有不從者殺四人乃奉命於是齊境

皆無道士

今道家有太霄琅書經云人行大道號曰道士者何理也事也身心順理唯道是從

道為事故曰道士余按此說是道流借吾儒經解大義以演繹道士二字道家雖曰宗老子而西漢以前未嘗以道士自名至東漢始有張道陵于吉等其實與佛教皆起于東漢之時

初王僧辯與陳

霸先共滅侯景

見一百六十四卷世祖承聖元年

情好甚篤僧辯為子

願娶霸先女

好呼到翻為于偽翻願魚委翻

會僧辯有母喪未成昏僧

辯居石頭城霸先在京口僧辯推心待之願兄顗屢諫

不聽

顗魚豈翻

及僧辯納貞陽侯淵明霸先遣使苦爭之

使疏

往返數四僧辯不從霸先竊歎謂所親曰武帝子孫

甚多唯孝元能復讎雪恥

謂誅滅侯景也

其子何罪而忽廢之

吾與王公並處託孤之地

處昌呂翻

而王公一旦改圖外依

戎狄援立非次其志欲何所為乎

僧辯立淵明名不正而言不順故姦雄得

因以乃密具袍數千領及錦綵金銀為賞賜之具會有

告齊師大舉至壽春將入寇者僧辯遣記室江旰告霸

先使為之備霸先因是留旰於京口

旰古汗翻

舉兵襲僧辯

九月壬寅召部將侯安都周文育及安陸徐度錢塘杜

稜謀之

將即亮翻下同

稜以為難霸先懼其謀泄以手巾絞稜

今人盥洗以布拭手長七八尺謂之手巾悶絕於地因閉於別室部分將士

分扶問翻分賜金帛以弟子著作郎曇朗鎮京口知留府事

曇朗霸先母弟休使徐度侯安都帥水軍趨石頭帥所

先之子曇徒含翻下同趨霸先帥馬步自江乘羅落會之江乘羅落江乘

七喻翻江乘至羅落橋京口趨建康是夜皆發召杜稜與同行

之大路劉裕伐桓玄由此知其謀者唯安都等四將外人皆以為江旰徵兵禦齊

不之怪也甲辰安都引舟艦將趨石頭艦戶黥翻霸先

控馬未進安都大懼追霸先罵曰今日作賊事勢已成

生死湏決在後欲何所望若敗俱死後期得免斫頭邪

霸先曰安都嗔我乃進

霸先控馬踟躕以觀安都之意見安都決死前向乃進嗔昌真

翻恚怒也

安都至石頭城北棄舟登岨石頭城北接岡阜不

甚危峻安都被甲帶長刀軍人捧之投於女垣內

被皮義翻

女垣城上堞也

衆隨而入進及僧辯臥室霸先兵亦自南門入

僧辯方視事外白有兵俄而兵自內出僧辯遽走遇子

顏與俱出閣帥左右數十人苦戰於聽事前

聽讀曰廳

力不

敵走登南門樓拜請求哀霸先欲縱火焚之僧辯與顏

俱下就執霸先曰我有何辜公欲與齊師賜討且曰何

意全無備僧辯曰委公北門何謂無備

京口為建康北門

是夜

霸先縊殺僧辯父子既而竟無齊兵亦非霸先之譎也

謫古穴翻

前青州刺史新安程靈洗帥所領救僧辯力戰於

石頭西門軍敗霸先遣使招諭久之乃降

使疏吏翻降戶江翻霸

先深義之以為蘭陵太守使助防京口

守式又翻

乙巳霸先

為檄布告中外列僧辯罪狀且曰資斧所指唯王僧辯

父子兄弟其餘親黨一無所問丙午貞陽侯淵明遜位

出就邸

考異曰梁書九月丙午帝即皇帝位十月已大赦改元按長歷丙午九月二十九日已

十月二十二日豈有即位二十四日始改元大赦乎蓋丙午復梁王位十月乃即帝位耳典略丁未廢貞陽侯

出就邸今並從陳書

百僚上晉安王表勸進

上時掌翻

冬十月已酉晉

安王即皇帝位大赦改元

改元紹泰

中外文武賜位一等以

貞陽侯淵明為司徒封建安公告齊云僧辯陰圖篡逆

故誅之仍請稱臣於齊永為藩國齊遣行臺司馬恭與

梁人盟於歷陽

辛亥齊主如晉陽

壬子加陳霸先

尚書令都督中外諸軍事車騎將軍揚南徐二州刺史

癸丑以宜豐侯循為太保建安公淵明為太傅曲江侯

勃為太尉王琳為車騎將軍開府儀同三司

帝之初為梁王也諸

藩皆進官獨不及王琳抑王僧辯雅知王琳之不可制邪

戊午尊帝所生夏貴妃

為皇太后

夏戶雅翻

立妃王氏為皇后

杜龕恃王僧辯之

勢

龕苦含翻

素不禮於陳霸先在吳興每以法繩其宗族霸

先深怨之及將圖僧辯密使兄子倩還長城

長城縣霸先與其宗

族世居之晉太康三年分烏程立長城縣屬吳興郡今湖州長興縣是也在湖州西北七十里倩七見翻

立

柵以備龕僧辯死龕據吳興拒霸先義興太守韋載以

郡應之

考異曰典略作韋載今從梁陳書今按吳典略若作韋載則與梁陳書同不須考異矣

郡太守王僧智僧辯之弟也亦據城拒守

考異曰南史云僧智奔

任約今從典略

陳蒨至長城收兵纔數百人杜龕遣其將杜泰

將精兵五千奄至將士相視失色

將即虎翻下同

蒨言笑自若

部分益明

分扶問翻

衆心乃定泰晝夜苦攻數旬不克而退

霸先使周文育攻義興義興屬縣卒皆霸先舊兵善用

弩韋載收得數十人繫以長鎖命所親監之

監工銜翻

使射

文育軍約曰十射不兩中者死

射而亦翻中竹仲翻

故每發輒斃

一人文育軍稍却載因於城外據水立柵相持數旬杜

龕遣其從弟北叟將兵拒戰

從才用翻下同

北叟敗歸於義興

霸先聞文育軍不利卒未自表東討留高州刺史侯安

都石州刺史杜稜宿衛臺省

五代志永平郡梁置石州隋後改曰藤州宋白曰藤

州治鐔津縣漢猛陵縣也

甲戌軍至義興丙子拔其水柵譙秦二州

刺史徐嗣徽從弟嗣先僧辯之甥也僧辯死嗣先亡就

嗣徽嗣徽以州入於齊

五代志江都郡清流縣梁置新昌郡及譙州又六合縣置秦郡

及秦州

及陳霸先東討義興嗣徽密結南豫州刺史任約

將精兵五千乘虛襲建康是日襲據石頭遊騎至闕下

侯安都閉門藏旗幟示之以弱令城中曰登陴闕賊者

斬

幟昌志翻
陴頻彌翻

及夕嗣徽等收兵還石頭安都夜為戰備

將旦嗣徽等又至安都帥甲士三百開東西掖門出戰

臺城正南端門其左右二
門曰東西掖門帥讀曰率

大破之嗣徽等奔還石頭不

敢復逼臺城

復扶
又翻

陳霸先遣韋載族弟翽齋書諭載

翽呼

會翻丁丑載及杜北叟皆降

降戶
江翻

霸先厚撫之以翽監義

興郡

監工
銜翻

引載置左右與之謀議霸先卷甲還建康

卷讀

曰捲考異曰梁書十一月庚寅霸先還建康按庚寅十一月十三日太晚且庚寅以前霸先已有在建康與齊相拒事迹使周文育討杜龕救長城將軍黃他攻王今從陳書

僧智於吳郡不克霸先使寧遠將軍裴忌助之忌選所

部精兵輕行倍道自錢塘直趣吳郡

按陳霸先自義興還建康遣裴忌助

黃他攻吳郡自錢塘直趣吳郡非路也錢塘必誤趣七喻翻

夜至城下鼓譟薄之

薄伯

各翻僧智以為大軍至輕舟奔吳興忌入據吳郡因以忌

為太守十一月己卯齊遣兵五千度江據姑孰以應徐

嗣徽任約陳霸先使合州刺史徐度立柵於冶城庚寅

齊又遣安州刺史翟子崇楚州刺史劉士榮淮州刺史

柳達摩

五代志鍾離郡梁置北徐州齊改曰楚州管下定遠縣梁置安州江都郡山陽縣有淮陰郡東

魏置淮州翟直格翻將兵萬人於胡墅度米三萬石馬千匹入石

頭

胡墅在大江北岍對石頭城墅神與翻

霸先問計於韋載載曰齊師若

分兵先據三吳之路略地東境則時事去矣今可急於

淮南因侯景故壘築城以通東道轉輸

淮南秦淮之南也輸式喻翻下

運輸分兵絕彼之糧運則齊將之首旬日可致

將即霸亮翻

先從之癸未使侯安都夜襲胡墅

考異曰典略作己已按長歷是月戊寅

朔無已已燒齊船千餘艘艘蘇仁威將軍周鐵虎斷齊

今從陳書

運輸斷音擒其北徐州刺史張領州五代志琅邪郡仍

短

遣韋載於大航築侯景故壘使杜稜守之航戶齊人於

倉門水南立二柵倉門石頭倉城門與梁兵相拒壬辰

齊大都督蕭軌將兵屯江北初齊平秦王歸彥幼孤

高祖令清河昭武王岳養之歸彥高歡族弟也歸彥父

孤而命岳養之岳情禮甚薄歸彥心銜之及顯祖即位

歡廟號高祖

歸彥為領軍大將軍大被寵遇被皮岳謂其德已更倚

義翻

賴之岳屢將兵立功有威名而性豪侈好酒色

好呼起

第於城南

城南鄴城之南

聽事後開巷

聽讀曰廳

歸彥譖之於帝曰

清河僭擬宮禁制為永巷但無闕耳帝由是惡之

惡烏路翻

帝納倡婦薛氏於後宮

倡尺良翻優也

岳先嘗因其姊迎之至

第帝夜遊於薛氏家其姊為其父乞司徒

為于偽翻

帝大怒

懸其姊鋸殺之讓岳以姦岳不服帝益怒乙亥使歸彥

鳩岳岳自訴無罪歸彥曰飲之則家全飲之而卒獎贈

如禮薛嬪有寵於帝

嬪毘賓翻

久之帝忽思其與岳通無故

斬首藏之於懷出東山宴飲勸酬始合忽探出其首投

於梓上

探吐南翻梓蒲官翻

支解其尸弄其髀為琵琶一座大驚

帝方收取對之流涕曰佳人難再得

漢李延年歌曰北方有佳人絕世而

獨立一顧傾人城再顧傾人國寧不知傾城與傾國佳人難再得

載尸以出被髮步哭

而隨之

被皮義翻

甲辰徐嗣徽等攻治城柵陳霸先將精

甲自西明門出擊之嗣徽等大敗留柳達摩等守城自

往采石迎齊援以郢州刺史宜豐侯循為太保廣州

刺史曲江侯勃為司空并徵入侍循受太保而辭不入

勃方謀舉兵遂不受命 鎮南將軍王琳侵魏魏大將

軍豆盧寧禦之

姓氏志豆盧本姓慕容氏燕北地王精降魏北人謂歸義為豆盧因賜以為氏

十二月癸丑侯安都襲秦郡破徐嗣徽柵俘數百人

收其家得其琵琶及鷹遣使送之曰昨至弟處得此今

以相還

使疏吏翻下同

嗣徽大懼丙辰陳霸先對治城立航

航戶

剛翻連舟為橋也

悉度衆軍攻其水南二柵

即倉門水南二柵

柳達摩

等度淮置陳

陳讀曰陣

霸先督兵疾戰縱火燒柵齊兵大敗

爭舟相擠

擠棧西翻又子細翻

溺水者以千數呼聲震天地

溺徒狄翻

呼火故翻盡收其船艦是日嗣徽與任約引齊兵水步萬餘

人還據石頭霸先遣兵詣江寧據要險嗣徽等水步不

敢進頓江寧浦口霸先遣侯安都將水軍襲破之嗣徽

等單舸脫走

舸古我翻

盡收其軍資器械已未霸先四面攻

石頭城中無水升水直絹一匹庚申達摩遣使請和於

霸先且求質子

請和而求質子者恐還以無功得罪欲以質子藉手質音致

時建康

虛弱糧運不繼朝臣皆欲與齊和

朝直遙翻

請以霸先從子

曇朗為質

曇朗時留鎮京口從才用翻曇苦含翻

霸先曰今在位諸賢欲

息肩於齊

左傳鄭成公疾子駟請息肩于晉杜預注曰以負擔諭

若違衆議謂孤

愛曇朗不恤國家今決遣曇朗奔之寇庭齊人無信謂

我微弱必當背盟

背蒲翻

齊寇若來諸君須為孤力鬪也

霸先知齊人恥於無功必增兵復至故先以此諭衆責其効死為于偽翻

乃與曇朗及永嘉

王莊丹陽尹王冲之子珉為質

與當作以則文意明順

與齊人盟

於城外

城外者石頭城外

將士恣其南北

徐嗣徽等南人恣其南柳達摩等北人恣

其北恣其南北言唯意所適也

辛酉霸先陳兵石頭南門送齊人歸北

徐嗣徽任約皆奔齊收齊馬仗船米不可勝計

勝音升

齊

主誅柳達摩壬戌齊和州長史烏丸遠自南州奔還歷

陽

劉昫曰齊梁通和置和州於歷陽郡烏丸蓋出于東胡烏丸之種因以為姓

江寧令陳嗣

黃門侍郎曹朗據姑孰反霸先命侯安都等討平之霸

先恐陳曇朗亡竄自帥步騎至京口迎之

帥讀曰率

交州

刺史劉元偃帥其屬數千人歸王琳魏以侍中李遠

為尚書左僕射魏益州刺史宇文貴使譙淹從子子

嗣誘說淹以為大將軍

從才用翻說式芮翻

淹不從斬子嗣貴怒

攻之淹自東遂寧徙屯墊江

晉于德陽縣界東南置遂寧郡五代志遂寧郡方義

縣梁曰小溪置東遂寧郡墊江縣漢屬巴郡梁為楚州治所隋為渝州墊音疊

初晉安民陳

羽吳立東安縣晉武帝更名晉安太康三年分建安立晉安郡五代志建安郡南安縣舊日晉安今之泉州

地即其世為閩中豪姓其子寶應多權詐郡中畏服侯景

之亂晉安太守賓化侯雲以郡讓羽羽老但治郡事令

寶應典兵時東境荒饑而晉安獨豐衍寶應數自海道

出寇抄臨安永嘉會稽

沈約志吳分餘杭為臨水縣晉武帝太康元年更名臨安五代

志無臨安郡及臨安縣但有餘杭郡耳數所角翻抄楚交翻會工外翻

或載米粟與之質

易由是能致富彊侯景平世祖因以羽為晉安太守及

陳霸先輔政羽求傳位於寶應霸先許之

為後陳寶應亂閩中張本

是歲魏宇文泰諷淮安王育上表請如古制降爵為

公於是宗室諸王皆降為公

突厥木杆可汗擊柔然

鄧叔子滅之

厥九勿翻杆公旦翻可從刊入聲汗音寒

叔子收其餘燼奔魏

木杆西破噉噉

噉益涉翻噉當割翻又宅軌翻

東走契丹北并契骨

契骨

即唐之結骨唐書曰黠戛斯古堅昆國或曰居勿或曰結骨蓋堅昆語訛為結骨稍號統骨亦曰統花斯契丹

欺訖翻又音突契骨苦結翻

威服塞外諸國其地東自遼海西至西

海長萬餘里

長直亮翻

南自沙漠以北五六千里皆屬焉木

杆恃其彊請盡誅鄧叔子等於魏使者相繼於道太師

泰收叔子以下三千餘人付其使者盡殺之於青門外

長安城東出南頭第一門曰霸城門民見門色青名曰青城門或曰青門泰東陵侯召平種瓜於青門外即其

地使疏吏翻

初魏太師泰以漢魏官繁命蘇綽及尚書令

盧辯依周禮更定六官

更工衡翻

太平元年

是年九月方改元太平

春正月丁丑

魏初建六官以

宇文泰為太師大冢宰柱國李弼為太傅大司徒趙貴

為太保大宗伯

宗伯以上以三公兼六卿之職北史盧辯傳置太師太傅太保各一人是曰三

孤獨孤信為大司馬于謹為大司寇侯莫陳崇為大司

空自餘百官皆倣周禮 戊寅大赦其與任約徐嗣徽

同謀者一無所問癸未陳霸先使從事中郎江旰說徐

嗣徽使南歸

說式為翻
下同

嗣徽執旰送齊

陳蒨周文育

合軍攻杜龕於吳興龕勇而無謀嗜酒常醉其將杜泰

陰與蒨等通龕與蒨等戰敗泰因說龕使降

將即亮翻
說式為翻

降戶龕然之其妻王氏曰

王氏僧
辯女也

霸先讎隙如此何可

求和因出私財賞募復擊蒨等大破之

復扶
又翻

既而杜泰

降於蒯龕尚醉未覺

覺古效翻又如字

蒯遣人員出於項王寺

前斬之

項羽起吳下故後人為立寺于吳興梁書太平元年正月癸未杜龕降詔賜死陳書

考異曰

紹泰元年十二月杜龕以城降明年正月癸未誅杜龕於吳興龕從弟北叟司馬沈孝敦並賜死典略魏恭帝二年十二月蒯命劉澄等攻龕大敗之龕乃降明年正月丁亥周鐵虎送杜龕祠項王神使力士拉龕于坐從弟北叟司馬沈孝敦並賜死今從南史

王僧智與其弟豫章太守僧悋俱

奔齊

悋于今翻亡僧智得就任約約敗走僧智肥不能行又遇害

考異曰梁書南史王僧辯傳僧辯既

僧智弟僧悋位譙州刺史征蕭勃及聞兄死引軍還時吳州刺史羊亮隸在僧悋下與僧悋不平密召侯瑱見擒僧悋以名義責瑱瑱乃委罪于將羊鯤斬之僧悋復得奔齊陳書南史侯瑱傳則云僧辯使其弟僧悋與瑱

共討蕭勃及陳武帝誅僧辯僧惔陰欲圖瑱及奪其軍
瑱知之盡收僧惔徒黨僧惔奔齊與略魏恭帝三年正
月初僧惔與瑱共討曲江侯勃至是吳州刺史羊亮說
僧惔襲瑱而翻以告瑱瑱攻之僧惔奔齊凡此諸說莫
知孰是今約其梗槩言之

東揚州刺史張彪素為王僧辯所厚不附

霸先二月庚戌陳禕周文育輕兵襲會稽彪兵敗走入

若邪山中

簡文帝大寶元年張彪起兵于若邪山邪音耶

禕遣其將吳興章昭

達追斬之

將即亮翻下同

東陽太守留異餽禕糧食霸先以異

為縉州刺史

因縉雲山而置縉州五代志處州括蒼縣有縉雲山縉音晉

江州刺史

侯瑱本事王僧辯亦擁兵據豫章及江州不附霸先霸

先以周文育為南豫州刺史使將兵擊湓城庚申又遣
侯安都周鐵虎將舟師立柵於梁山以備江州 癸亥
徐嗣徽任約襲采石執戍主明州刺史張懷鈞送於齊
五代志曰南郡交谷縣梁置明州
張懷鈞蓋帶刺史而戍采石也 後梁主擊侯平於

公安平與長沙王韶引兵還長沙王琳遣平鎮巴州

三月壬午詔雜用古今錢 戊戌齊遣儀同三司蕭軌

庫狄伏連堯難宗東方老等與任約徐嗣徽合兵十萬

入寇出柵口

柵口柵江口也在今和州歷陽縣西南百
五十里與無為軍分界即古之濡湏口宋

白曰廬州東南至柵口今謂之新婦口三百八十四里對岬即舊南陵縣地對岬為繁昌縣向梁山

陳霸先帳內盪主黃叢逆擊破之

盪主主勇士以突盪敵人

齊師退

保蕪湖霸先遣定州刺史沈泰等就侯安都共據梁山

以禦之周文育攻盜城未克召之還夏四月丁巳霸先

如梁山巡撫諸軍乙丑齊儀同三司婁叡討魯陽蠻

破之侯安都輕兵襲齊行臺司馬恭於歷陽

考異曰梁書

云壬午安都襲恭按長歷是月乙巳朔無壬午

大破之俘獲萬計

魏太師泰

尚孝武妹馮翊公主生略陽公覺姚夫人生寧都公毓

毓於諸子最長

五代志西城郡安康縣舊曰寧都毓余六翻長知兩翻下同

娶大司

馬獨孤信女泰將立嗣謂公卿曰孤欲立子以嫡恐大

司馬有疑如何衆默然未有言者尚書左僕射李遠曰

夫立子以嫡不以長

春秋公羊傳之言

略陽公為世子公何所

疑若以信為嫌請先斬之遂拔刀而起泰亦起曰何至

於是信又自陳解遠乃止於是羣公並從遠議遠出外

拜謝信曰臨大事不得不爾信亦謝遠曰今日賴公決

此大議遂立覺為世子 太師泰北巡 五月齊人召

建安公淵明詐許退師

考異曰典略云五月齊主在東山飲酒投杯赫怒召魏收于

前立為制書欲自將西討長安令上黨王渙將兵伐梁于是渙南侵按梁陳北齊帝紀及渙傳皆無是事今去

之陳霸先具舟送之癸未淵明疽發背卒甲申齊兵發

蕪湖庚寅入丹陽縣

此丹陽縣乃漢古縣非今鎮江府之丹楊縣也據沈約志晉武帝太

康三年分丹陽縣立于湖縣于湖今太平州東北

丙申至秣陵故

治

沈約曰秣陵本治去京邑六十里今故治村是也晉安帝義熙九年移治京邑在關場關場猶今言教場

晉成帝咸和中詔內外諸軍戲于南郊之場因名戲場亦曰關場

陳霸先遣周文育屯

方山

丹陽記秦始皇鑿方山其斷處為瀆則今淮水

徐度頓馬牧

馬牧牧馬之地杜稜

頓大航南以禦之

齊漢陽敬懷王洽卒

洽齊主之弟

卒

丑齊人跨淮立橋柵度兵夜至方山徐嗣徽等列艦於

青墩至於七磯以斷周文育歸路

艦戶黯翻下同墩音敦斷音短

文育

鼓譟而發嗣徽等不能制至旦反攻嗣徽嗣徽驍將鮑

磬獨以小艦殿軍

驍堅亮翻將即亮翻下同磬普耕翻殿丁練翻

文育乘單舩

艦與戰

舩舩陟格翻舩莫梗翻舩舩小船一舟曰單

跳入艦中

跳他弔翻

斬磬仍牽

其艦而還

還從宣翻又如字

嗣徽衆大駭因留船蕪湖自丹陽

步上

上時掌翻下槩上同

陳霸先追侯安都徐度皆還

追梁山之軍還建康

以禦齊師

癸卯齊兵自方山進及倪塘

倪塘在臺城東

游騎至臺

奇騎

寄翻

建康震駭帝總禁兵出頓長樂寺

樂音洛

內外纂嚴霸

先拒嗣徽等於白城

白城當在湖熟縣界

適與周文育會將戰風

急霸先曰兵不逆風文育曰事急矣何用古法抽槊上

馬先進

槊色角翻

風亦尋轉殺傷數百人侯安都與嗣徽等

戰於耕壇南

天子親耕籍田祭先農于田所故有耕壇宋文帝元嘉二十一年令司空司農京尹

令尉度官之辰地八里之外整制千畝中開阡陌立先農壇於中阡西陌南設御耕壇于中阡東陌北

安

都帥十二騎突其陳破之

騎奇寄翻陳讀曰陣

生擒齊儀同三司

乞伏無勞

考異曰南史作乞伏無芳今從陳書

霸先潛撤精卒三千配

沈泰度江襲齊行臺趙彥深於瓜步獲艦百餘艘粟萬

斛

艘蘇遭翻

六月甲辰齊兵潛至鍾山侯安都與齊將王敬

寶戰於龍尾

鍾山之龍尾也自山趾築道波施以登山曰龍尾

軍主張纂戰死

丁未齊師至幕府山

幕府山在今建康城西二十五里晉琅邪王初度江丞相王導建幕

府具上因名

霸先遣別將錢明將水軍出江乘邀擊齊人糧

運盡獲其船米齊軍乏食殺馬驢食之庚戌齊軍踰鍾

山霸先與衆軍分頓樂遊苑東及覆舟山北斷其衝要

斷音 壬子齊軍至玄武湖西北將據北郊壇晉成帝立北郊壇於

短覆舟 衆軍自覆舟東移頓壇北與齊人相對會連日大

雨平地水丈餘齊軍晝夜坐立泥中足指皆爛懸鬲以

爨鬲音歷爾雅鬲款足者謂之鬲說文鬲鼎屬也實五穀斗二升曰鬲而臺中及潮溝北

路燥潮溝吳孫權所開以引潮抵于秦淮梁軍每得番易時四方壅隔糧

運不至建康戶口流散徵求無所甲寅少霽少詩沼翻霸先

將戰調市人得麥飯調徒弔翻分給軍士士皆飢疲會陳脩

饋米三千斛鴨千頭霸先命炊米煮鴨人人以荷葉裹

飯媿以鴨肉數鬻

媿公渾翻以鴨肉蓋飯上曰媿今江東人猶謂以物蒙頭曰媿鬻力充翻

乙卯未明蓐食比曉

比必利翻

霸先帥麾下出幕府山侯安

都謂其部將蕭摩訶曰卿驍勇有名千聞不如一見

帥讀

曰率將即亮翻驍堅亮翻

摩訶對曰今日令公見之及戰安都墜馬

齊人圍之摩訶單騎大呼直衝齊軍齊軍披靡安都乃

免

騎奇寄翻呼火故翻披普彼翻

霸先與吳明徹沈泰等衆軍首尾齊

舉縱兵大戰安都自白下引兵橫出其後齊師大潰斬

獲數千人相蹂踐而死者不可勝計

蹂人九翻踐慈演翻勝音升

生

擒徐嗣徽及弟嗣宗斬之以徇追奔至於臨沂

晉成帝咸康元年

年桓溫領南琅邪太守鎮江乘蒲州之金城求割丹陽之江乘縣境立郡又分江乘地立臨沂縣宋白曰臨沂

山西北

其江乘攝山鍾山等諸軍相次克捷

攝山在今建康城北

四十五里江乘地記曰有草可以攝生故名

虜蕭軌東方老王敬寶等將帥

凡四十六人

將即亮翻帥所類翻

其軍士得竄至江者縛荻筏以

濟

荻亭歷翻葦也

中江而溺流尸至京口翳水彌岸唯任約王

僧惛得免丁已衆軍出南州燒齊舟艦戊午大赦己未

解嚴軍士以賞俘買酒一人裁得一醉

買音茂

庚申斬齊

將蕭軌等齊人聞之亦殺陳曇朗霸先啓解南徐州以

授侯安都

賞其功也

侯平頻破後梁軍以王琳兵威不接

更不受指麾琳遣將討之平殺巴州助防呂旬收其

衆奔江州侯瑱與之結為兄弟琳軍勢益衰乙丑遣使

奉表詣齊并獻馴象

安南出象處曰象山歲一捕之縛欄道旁中為大甯以雌象前行為

媒遺甘蔗於地博築蔗上雄象來食蔗漸引入欄閉其中就甯中教習馴擾之始甚吃哮甯深不可出牧者以

言語諭之久則漸解人意使疏吏翻馴松倫翻

江陵之陷也琳妻蔡氏世子毅

皆沒於魏琳又獻款於魏以求妻子亦稱臣於梁齊

發丁匠三十餘萬脩廣三臺宮殿

三臺在鄴城曹操所築

齊顯

祖之初立也留心政術務存簡靖坦於任使

謂任使之際坦懷待

人人得盡力又能以法馭下或有違犯不容勲戚內外

莫不肅然至於軍國機策獨決懷抱每臨行陳

行戶剛翻陳讀

陣曰親當天石所向有功數年之後漸以功業自矜遂嗜

酒淫佚

洗弋乙翻淫放也

肆行狂暴或身自歌舞盡日通宵或

散髮胡服雜衣錦綵

衣於既翻

或袒露形體塗傅粉黛或乘

驢牛橐駝白象不施鞍勒或令崔季舒劉桃枝負之而

行擔胡鼓拍之

胡鼓以手拍之成聲劉昫曰腰鼓大者瓦小者木皆廣首而纖腹本胡鼓也擔

都甘翻

勲戚之第朝夕臨幸游行市里街坐巷宿或盛夏

日中暴身

暴讀曰曝

或隆冬去衣馳走從者不堪

去羌呂翻從才用翻

帝居之自若三臺構木高二十七丈

高居報翻

兩棟相距二

百餘尺工匠危怯皆繫繩自防帝登脊疾走殊無怖畏

脊棟脊也怖普布翻

時復雅儼

復扶又翻儼與舞同

折旋中節

中竹仲翻

傍人見

者莫不寒心嘗於道上問婦人曰天子何如曰顛顛癡

癡何成天子帝殺之妻太后以帝酒狂舉杖擊之曰如

此父生如此兒帝曰即當嫁此老母與胡太后大怒遂不

言笑帝欲太后笑自匍匐

匍音蒲匐莫北翻

以身舉牀墜太后

於地頗有所傷既醒大慚恨使積柴熾火欲入其中太

后驚懼親自持挽強為之笑曰卿汝醉耳

強其兩翻為于偽翻

帝

乃設地席命平秦王歸彥執杖口自責數

自責而數罪也數所具翻

脫背就罰謂歸彥曰杖不出血當斬汝太后前自抱之

帝流涕苦請乃笞脚五十然後衣冠拜謝悲不自勝

勝音

升因是戒酒一旬又復如初帝幸李后家以鳴鏑射后

母崔氏

射而亦翻

罵曰吾醉時尚不識太后老婢何事馬鞭

亂擊一百有餘雖以楊愔為相使進廁籌以馬鞭鞭其

背流血浹袍嘗欲以小刀斃其腹

愔於今翻相息亮翻決即協翻斃力之翻

劃也

崔季舒託俳言曰老小公子惡戲

託為俳諧之言

因掣刀去

之

掣昌列翻去羌呂翻

又置愔於棺中載以轎車

轎音而喪車也

又嘗持

梁走馬

梁色角翻

以擬左丞相斛律金之胸者三金立不動

乃賜帛千段高氏婦女不論親疎多與之亂或以賜左

右又多方苦辱之彭城王浹太妃爾朱氏魏敬宗之后

也

洩夷周翻

帝欲蒸之不從手刃殺之故魏樂安王元昂李

后之姊壻也其妻有色帝數幸之

數所角翻

欲納為昭儀召

昂令伏以鳴鏑射之百餘下

射而亦翻

凝血垂將一石竟至

於死后啼不食乞讓位於姊太后又以為言帝乃止又

嘗於衆中召都督韓哲無罪斬之作大鑊長鋸剉確之

屬陳之於庭

鑊戶郭翻鼎大無足曰鑊

每醉輒手殺人以為戲樂

樂音

洛所殺者多令支解或焚之於火或投之於水楊愔乃

簡鄴下死囚置之仗內

殿庭左右立仗

謂之供御囚帝欲殺人

輒執以應命三月不殺則宥之開府參軍裴謂之上書
極諫帝謂楊愔曰此愚人何敢如是對曰彼欲陛下殺
之以成名於後世耳帝曰小人我且不殺爾焉得名焉音

煙

帝與左右飲酒曰樂哉都督王紘曰有大樂亦有大

苦

樂音洛

帝曰何謂也對曰長夜之飲不寤國亡身隕所

謂大苦帝縛紘欲斬之思其有救世宗之功乃捨之

澄高

之死王紘冒刃禦賊見一百六十二卷武帝太清二年

帝遊宴東山以關隴未平

投孟震怒召魏收於前立為詔書宣示遠近將事西行

魏人震恐常為度隴之計

宇文泰識虛實何得因西行一詔便為度隴之計此齊史

官之華言耳

然實未行一日泣謂羣臣曰黑獺不受我命奈

何都督劉桃枝曰臣得三千騎

騎奇寄翻

請就長安擒之以

來帝壯之賜帛千匹趙道德進曰東西兩國彊弱力均

彼可擒之以來此亦可擒之以往桃枝妄言應誅陛下

奈何濫賞帝曰道德言是回絹賜之帝乘馬欲下峻岸

入於漳

欲入漳水

道德攬轡回之帝怒將斬之道德曰臣死

不恨當於地下啓先帝論此兒酣酣顛狂不可教訓

酣

句翻陸德明曰帝默然而止它日帝謂道德曰我飲酒

以酒為山曰酌過過謂須痛杖我道德扶之扶丑栗帝走道德逐之曰

何物人為此舉止典御丞李集面諫五代志曰後齊制

尚食尚藥二局皆有典御及丞尚食總官多循後魏之舊

知御膳事尚藥總知御藥事屬門下省比帝於桀紂帝

令縛置流中流水中也沈沒久之林持復令引出復扶謂曰

吾何如桀紂集曰向來彌不及矣帝又令沈之引出更

問如此數四集對如初帝大笑曰天下有如此癡人方

知龍逢比干未是俊物龍逢諫夏桀而死比干遂釋之

諫殷紂而死逢皮江翻

頃之又被引入見

被皮義翻見賢遍翻

似有所諫帝令將出要斬

要讀曰腰

其或斬或赦莫能測焉內外惛惛

惛七感翻惛惛痛毒之意

各

懷怨毒而素能默識彊記加以嚴斷

斷丁亂翻

羣下戰慄不

敢為非又能委政楊惛惛總攝機衡百度修教

救理也

故

時人皆言主昏於上政清於下惛風表鑒裁為朝野所

重少歷屯阨

爾朱屠害楊氏唯惛得脫潛竄累載後歸高歡又以譏間逃隱海島歡訪而用之裁

才代翻少詩照翻屯陟倫翻

及得志有一餐之惠者必重報之雖先

嘗欲殺已者亦不問典選二十餘年以獎拔賢才為已

任性復強記一見皆不忘其姓名選人魯漫漢自言猥

賤獨不見識

選須絹翻復扶又翻猥鄙也

惜曰卿前在元子思坊

元子

思坊鄴城中坊名魏侍中元子思居此後謀西奔被誅時人因以名坊

乘短尾牝驢見我

不下以方麴障面我何為不識卿漫漢驚服 秋七月

甲戌前天門太守樊毅襲武陵殺武州刺史衡陽王護

王琳使司馬潘忠擊之執毅以歸護暢之孫也

暢武帝之弟

丙子以陳霸先為中書監司徒揚州刺史進爵長城

公餘如故

初余孝頃為豫章太守

姓譜余姓由余之後

侯瑱鎮

豫章孝頃於新吳縣

漢靈帝中平中立新吳縣屬豫章郡今洪州奉新縣即其地

別

立城柵與瑱相拒瑱使其從弟齋守豫章

從才用翻齋於倫翻

悉

衆攻孝頃久不克築長圍守之癸酉侯平發兵攻齋大

掠豫章焚之奔於建康瑱衆潰奔湓城依其將焦僧度

僧度勸之奔齊會霸先使記室濟江蔡景歷南上

濟子禮翻

自建康泝流至湓城為南上上時掌翻

說瑱令降瑱乃詣闕歸罪霸先為

之誅侯平

說式芮翻降戶江翻為于偽翻

丁亥以瑱為司空南昌民熊

曇朗世為郡著姓曇朗有勇力侯景之亂聚衆據豐城

為柵

南昌縣帶豫章郡吳立富城縣晉武帝太康元年更名豐城縣屬豫章郡今縣在郡城南一百五十

五里曇徒含翻

世祖以為巴山太守

元帝廟號世祖

江陵陷曇朗兵力

浸彊侵掠鄰縣侯瑱在豫章曇朗外示服從而陰圖之

及瑱敗走曇朗獲其馬仗 己亥齊大赦 魏太師泰

遣安州長史鉗耳康買使于王琳

鉗耳夷姓也出於西羌鉗其廩翻孫恂曰

鉗耳西羌人自云周王季之後為虔仁氏音訛為鉗耳

琳遣長史席豁報之且請

歸世祖及愍懷太子之柩泰許之

江陵之陷魏既戕元帝遂殺愍懷太子元

良柩音舊

八月己酉鄱陽王循卒於江夏弟豐城侯泰監

鄧州事

夏戶雅翻
監工銜翻

王琳使兗州刺史吳藏攻江夏不克

而死

琳署藏領
兗州耳

魏太師秦北度河

據魏紀秦北
巡度北河

魏

以王琳為大將軍長沙郡公

魏江州刺史陸騰討陵

州叛獠

五代志隆山郡西魏置陵州今陵井監是也
江州亦置於隆山郡之隆山縣獠魯皓翻

獠

因山為城攻之難拔騰乃陳伎樂於城下一面

伎渠
綺翻

獠

棄兵攜妻子臨城觀之騰潛師三面俱上斬首萬五千

級遂平之

唐柴紹破吐谷渾亦
用此術上時掌翻

騰俟之玄孫也

陸侯事
魏太武

帝及文成帝之初立以

庚申齊主將西巡百官辭於

子麗誅宗愛功封王

紫陌帝使稍騎圍之

騎兵執稍者為稍騎
稍色角翻騎奇寄翻

曰我舉鞭即

殺之日晏帝醉不能起黃門郎是連子暢曰

是連亦夷
姓也魏書

官氏志內入諸
姓有是連氏

陛下如此羣臣不勝恐怖

勝音升怖
普布翻

帝

曰大怖邪若然勿殺

若然猶云
若如此也

遂如晉陽

九月壬寅

改元大赦以陳霸先為丞相錄尚書事鎮衛大將軍揚

州牧義興公

自長城縣公進封義興郡
公按陳書帝紀義當作吳

以吏部尚書王

通為右僕射

突厥木杆可汗假道於涼州以襲吐谷

渾魏太師泰使涼州刺史史寧帥騎隨之至番禾

番禾
縣漢

屬張掖郡魏分置番禾郡如淳曰番音盤隋廢番禾郡
為番禾縣屬涼州唐天寶三年改為天寶縣厥九勿翻
杆公旦翻可從刊入聲汗音寒吐從
嗽入聲谷音浴帥讀曰率騎奇寄翻吐谷渾覺之奔南

山木杆將分兵追之寧曰樹敦賀真二城吐谷渾之巢
穴也拔其本根餘衆自散木杆從之木杆從北道趣賀

真寧從南道趣樹敦

樹敦城在曼頭山北吐谷渾之舊
都也周穆王時犬戎樹敦居之因

以名城祭公謀父所謂犬戎樹
惇能帥舊職者也趣七喻翻

吐谷渾可汗在賀真使

其征南王將數千人守樹敦

將即
亮翻

木杆破賀真獲夸呂

妻子寧破樹敦虜征南王還與木杆會於青海

吐谷渾
中有青

海周回千餘里海中有小山每冬冰合以良牝馬置此山至來春牧之牝馬皆有孕生駒號為龍種必多駿異

日行千里

木杆歎寧勇決贈遺甚厚

遺千季翻

甲子王琳以舟

師襲江夏冬十月壬申豐城侯泰以州降之齊發山

東寡婦二千六百人以配軍有夫而濫奪者什二三

魏安定文公宇文泰還至牽屯山而病

北巡而還也杜佑曰牽屯在平

涼郡高平縣亦曰沂山今謂之笄頭山

驛召中山公護護至涇州見泰泰

謂護曰吾諸子皆幼外寇方強天下之事屬之於汝

屬之

欲翻下同

宜努力以成吾志乙亥卒於雲陽

年五十雲陽縣漢屬馮翊

魏收志屬北地郡後周置雲陽郡有雲陽宮

護還長安發喪泰能駕馭英豪

得其力用性好質素不讓虛飾明達政事崇儒好古凡

所施設皆依倣三代而為之

好呼到翻

丙子世子覺嗣位為

太師柱國大冢宰出鎮同州

宇文泰輔政多居同州以其地扼關河之要齊人或

來侵軼便于應接也

時年十五中山公護名位素卑雖為泰所屬

而羣公各圖執政莫肯服從護問計於大司寇于謹謹

曰謹早蒙先公非常之知恩深骨肉今日之事必以死

爭之若對衆定策公必不得讓明日羣公會議謹曰昔

帝室傾危非安定公無復今日

謂魏孝武帝為高歡所逼遁逃入關宇文泰迎

而輔之以立國于闕右復扶又翻

今公一旦違世嗣子雖幼中山公親其

兄子兼受顧託軍國之事理須歸之辭色抗厲衆皆悚

動

抗厲舉聲高亢且正色嚴厲也

護曰此乃家事護雖庸昧何敢有辭

謹素與泰等夷護常拜之至是謹起而言曰公若統理

軍國謹等皆有所依遂再拜羣公迫於謹亦再拜於是

衆議始定護網紀內外撫循文武人心遂安 十一月

辛丑豐城侯泰奔齊齊以為永州刺史

隋方以零陵郡為永州齊以泰

為永州刺史未知
此永州置于何地

詔徵王琳為司空

此齊詔也

琳辭不至留

其將潘純陀監郢州

監工衛翻

身還長沙魏人歸其妻子

壬子齊主詔以魏末豪傑糾合鄉部因緣請託各立州

郡離大合小公私煩費丁口減於疇日

疇日猶言昔日

守令倍

於昔時且要荒向化

要荒引古要服荒服為言要者要結好信而從服之荒者言其來服

荒忽無常也要一遙翻

舊多浮偽百室之邑遽立州名三戶之民

空張郡目

此謂梁末所置州郡在江淮之間者也

循名責實事歸焉有

焉於

度翻何也

於是併省三州一百五十三郡

考異曰北史作五十六郡今從齊

書

詔分江州四郡置高州

四郡蓋臨川安成豫寧巴山以其地在南江之西負

山面水據高臨

軍黃法氍為刺史鎮巴山

氍巨俱翻宋白曰梁大同

二年分廬陵之興平臨川之新建二縣立西寧巴山二縣合其縣立為巴山郡其郡古迹在撫州崇仁縣巴山

北之

十二月壬申以曲江侯勃為太保 甲申魏葵安

定文公丁亥以岐陽之地封世子覺為周公

岐陽即扶風之地皆

周興於岐周因為國號宇文輔魏倣周以立法制故魏朝之臣以周封之將禪代也

初侯景之

亂臨川民周續起兵郡中

臨川漢豫章郡南城縣之地後漢分南城北境為臨汝縣

吳孫亮太平二年分豫章之東部南城臨汝二縣置臨川郡隋唐為撫州

始興王毅以郡讓

之而去續部將皆郡中豪族多驕橫

將即亮翻下同橫戶孟翻

續裁

制之諸將皆怨相與殺之續宗人迪勇冠軍中

冠古翻

衆

推為主迪素寒微恐郡人不服以同郡周敷族望高顯

折節交之

折而設翻

敷亦事迪甚謹迪據上塘

上塘下卷作工塘必有一

誤按陳書周迪傳工字為是

敷據故郡朝廷以迪為衡州刺史領臨

川內史

以臨川內史帶衡州刺史耳

時民遭侯景之亂皆棄農業羣

聚為盜唯迪所部獨務農桑各有贏儲政教嚴明

教謂教令

州郡下令

徵斂必至

斂力贍翻

餘郡乏絕者皆仰以取給

仰牛

向翻迪性質朴不事威儀居常徒跣雖外列兵衛內有女

伎按繩破蔑傍若無人

伎渠綺翻按奴禾翻蔑莫結翻竹筠也

訥於言語

而襟懷信實臨川人皆附之

齊自西河總秦戍築長

城

考異曰去歲六月已云築長城而地名長短不同不知與此為一事為二事比齊書北史皆然今皆存

之東至於海前後所築東西凡三千餘里率十里一戍

其要害置州鎮凡二十五所

魏宇文護以周公幼弱

欲早使正位以定人心庚子以魏恭帝詔禪位於周

道魏


武帝以晉孝武太元二十一年改元皇始歷十二世至孝武帝永熙三年西遷魏遂分為東西魏又歷三世

凡十五世一百六十年而亡

使大宗伯趙貴持節奉冊濟北公廸致

皇帝璽紱恭帝出居大司馬府

濟子禮翻璽斯氏翻紱音弗



資治通鑑卷一百六十六

欽定四庫全書

史部

資治通鑑卷一百六十八

詳校官修撰臣錢 蔡

洗馬臣王坦修覆勘

總校官知縣臣楊懋珩

校對官中書臣葉 蘭

謄錄監生臣鄧 培

欽定四庫全書

資治通鑑卷一百六十七

宋司馬光撰

胡三省音註

陳紀一

起彊國赤奮若盡屠維單閼凡三年武帝既有功於梁自以為姓出於陳自吳興郡公

進封陳公及受

命國遂號曰陳

高祖武帝

諱霸先字興國小字法生姓東氏吳興長城下若里人

永定元年

是年十月以前猶是梁太平二年

春正月辛丑

周公即天王位

諱允字陟羅尼字文泰第三子也宇文輔政慕倣周禮泰卒覺嗣遂封周公既

受命國

號曰周柴燎告天朝百官於露門

露門即古之路門路大也宇文建國率倣

古制故外朝曰路門鄭玄曰外門曰臯門朝門曰應門
內有路門孔穎達曰爾雅門屏之間謂之寧郭曰人主
視朝所寧立處李巡曰正門外兩塾間曰寧謂天子受
朝於路門之外朝於門外而寧立以待諸侯之至故云
當寧而立也然門外有屏者即樹塞門是也爾雅云正
門謂之應門又云屏謂之樹李巡曰常當門自蔽名曰
樹郭云小牆當門中案李郭二注以推驗禮文諸侯內
屏在路門之內天子外屏在路門之外而近應門周制
天子三朝其一在路門內謂之燕朝太僕掌之故太僕
云王眠燕朝則正其位文王世子云公族朝於內朝親
之也此則王與宗人圖其嘉事及王退侯大夫之朝也
其一是路門外之朝謂之治朝司士掌之故司士云正
朝儀之位此是每日視朝之位其王與諸侯賓射亦與
治朝同其三是臯門之內庫門之外謂之外朝朝士掌

之此是詢衆庶之朝也朝直遙翻

追尊王考文公為文王妣為文后大

赦封魏恭帝為宋公以木德承魏水行夏之時服色尚

黑行夏之時用寅正也服色尚黑隨水行也夏戶雅翻以李弼為太師趙貴為太

傅大冢宰獨孤信為太保太宗伯中山公護為大司馬

後周太祖初據關右官名未改魏號及域內粗定改定章程命尚書令盧辯遠師周制置三公三孤以為論道之官次置六卿以分司庶務閔帝受禪大司馬掌兵宇文護居之以專兵要詔以王琳為

司空驃騎大將軍

驃匹妙翻騎奇寄翻

以尚書右僕射王通為左

僕射周王祀園丘自謂先世出於神農以神農配二

丘宇文氏自謂其先出於炎帝炎帝為黃帝所滅子孫遁去朔野其後有葛烏兔者雄武多算畧鮮卑奉以為主裔孫曰普回因狩得玉璽三紐文曰皇帝璽以為天授其俗謂天子曰宇文遂以為氏及國號二丘圜丘方丘
始祖獻侯配南北郊普回子莫那自陰山南徙始居遼西諡曰獻侯文王

配明堂廟號太祖癸卯祀方丘甲辰祭太社

五代志後周憲章姬

周祭祀之式多依儀禮司量掌為壇之制圜丘三成崇一丈二尺深二丈上徑六丈十有二階每等十有二節在國陽七里之郊圓壇徑三百步內壇半之方一成下崇一丈徑六丈八尺上崇五尺方四丈八方方一階階十級級一尺方丘在國陰十里之郊丘一成八方下崇一丈方六丈八尺上崇五尺方四丈八方一階級一尺其壇八面徑百二十步內壇半之南郊為方壇於國南五里其崇一丈二尺其廣二丈其壇方百二十步內壇

半之神州之壇崇一丈方四丈在北郊方丘之右其壇如方丘其祭圓丘及南郊並正月上辛右宗廟而左社稷皇帝親祀社稷冢除市門稅魏末盜賊羣起國用不足稅入市門者人一錢

今除乙巳享太廟仍用鄭玄議立太祖與二昭二穆為

五廟其有德者別為祧廟不毀

記王制曰天子七廟三昭三穆與太祖之廟而

七鄭元注云此周制七者太祖及文王武王之祧與親廟四決疑要注曰凡昭穆父南面故曰昭昭明也子北面故曰穆穆順也李涪曰昭本如字為漢諱昭改曰韶或曰晉文帝名昭故讀曰韶辛亥祀南郊

壬子立王后元氏后魏文帝之女晉安公主也 齊南

安城主馮顯請降於周

降戶江翻

周柱國宇文貴使豐州刺

史太原郭彥將兵迎之

五代志永安郡黃岡縣齊曰南安又魏收志天平初置南安郡

屬襄州後陷以地考之當在五代志之潁川郡葉縣界又五代志淅陽郡武當縣舊置武當郡及始平郡後改

為齊興郡梁置興州後周改為豐州隋為均州將即亮翻遂據南安吐谷渾為寇

於周攻涼鄯河三州

武威郡涼州西平郡鄯州枹罕郡河州吐從暇入聲谷音浴鄯時戰

翻秦州都督遣渭州刺史于翼赴援

魏黃初三年始置都督諸州軍事又

有都督中外諸軍其任尤重南北朝皆因之而軍行又有都督諸軍左右前後中軍大都督內而宿衛有正副

都督散都督帥都督旅都督外而州郡有防城都督帳內都督都督之名雖同其位任懸絕矣此秦州都督蓋

都督河渭涼鄯諸州也後周九命之制都督八命其授柱國大將軍開府儀同者竝皆使持節大都督蓋九命

也翼不從僚屬咸以為言翼曰攻取之術非夷俗所長

此寇之來不過抄掠邊牧掠而無獲勢將自走勞師而

往必無所及翼揣之已了

了明也抄楚交翻揣初委翻

幸勿復言

復扶

又翻數日間至果如翼所策初梁世祖以始興郡為東

衡州以歐陽頔為刺史久之徙頔為郢州刺史蕭勃留

頔不遣

頔魚委翻

世祖以王琳代勃為廣州刺史勃遣其將

孫盪監廣州盡帥所部屯始興以避之

見一百六十五卷梁元帝承聖

三年將即亮翻下同
監工衡翻帥讀曰率
頔別據一城不往謁閉門自守勃

怒遣兵襲之盡收其貨財馬仗尋赦之使復其所與之

結盟江陵陷顧遂事勃二月庚午勃起兵於廣州遣顧

及其將傅泰蕭孜為前軍孜勃之從子也

從才用翻
考異曰陳書

南史周文育傳皆作
子今從梁書帝紀

南江州刺史余孝頃以兵會之

孝頃

據新吳蓋就置南江州命為刺史
異曰典畧作南康州刺史今從梁書

詔平西將軍周

文育帥諸軍討之

帥讀
曰率

癸酉周王朝日於東郊

朝直
遙翻

同戊寅祭大社周楚公趙貴衛公獨孤信故皆與太

祖等夷

宇文泰廟
號太祖

及晉公護專政

宇文護自中山
公進封晉公

皆快

快不服

快於兩翻

貴謀殺護信止之開府儀同三司宇文盛

告之丁亥貴入朝護執而殺之免信官

此所謂主少國疑大臣未附之

時也既殺趙貴護之威權成矣

領軍將軍徐度出東關侵齊戍子至

合肥燒齊船三千艘

艘蘇遭翻

歐陽頔等出南康頔屯豫

章之苦竹灘傳泰據蹠口城

蹠之石翻周文育傳作蹠

余孝頃遣其

弟孝勸守郡城自出豫章據石頭

水經注贛水逕豫章郡北水之西岸有石

盤謂之石頭津步之處也汪藻曰自豫章絕江而西有山屹然並江而出者石頭渚也阻江負城千里而近即

殷羨投書處勸音邁

巴山太守熊曇朗誘頔共襲高州刺史黃灋

輒又語瀟輒約共破顏

曇徒舍翻誘音酉語
牛倨翻輒巨俱翻

且曰事捷

與我馬仗遂出軍與顏俱進至瀟輒城下曇朗陽敗走

瀟輒乘之顏失援而走曇朗取其馬仗歸於巴山周文

育軍少船

少詩
治翻

余孝頃有船在上牢文育遣軍主焦僧

度襲之盡取以歸仍於豫章立柵軍中食盡諸將欲退

文育不許使人閒行遺周迪書

間古覓翻
遺于季翻

約為兄弟迪

得書甚喜許饋以糧於是文育分遣老弱乘故船沿流

俱下燒豫章柵偽若遁去者孝頃望之大喜不復設備

文育由間道兼行據芊韶

復扶又翻閒古莧翻據姚思廉梁書芊韶在巴山界芊音

^千芊韶上流則歐陽顧蕭孜下流則傅泰余孝頃營文

育據其中間築城饗士顧等大駭顧退入泥溪文育遣
嚴威將軍周鐵虎等襲顧癸巳擒之文育盛陳兵甲與
顧乘舟而宴巡蹕口城下使其將丁法洪攻泰擒之孜
孝頃退走 甲午周以于謹為太傅太宗伯侯莫陳崇

為太保晉公護為大冢宰

于謹侯莫陳崇既登公位宇文護若以序遷而為大冢宰

實則周之元輔也

柱國武川賀蘭祥為大司馬高陽公達奚武

為大司寇 周人殺魏恭帝 三月庚子周文育送歐

陽顏傳泰於建康丞相霸先與顏有舊釋而厚待之

霸先

發身於嶺南故與顏有舊

周晉公護以趙景公獨孤信名重不欲

顯誅之已酉逼令自殺 甲辰以司空王琳為湘郢二

州刺史 曲江侯勃在南康聞歐陽顏等敗軍中恐懼

怛許拱翻

甲寅德州刺史陳法武

五代志日南郡梁置德州

前衡州刺史

譚世遠攻勃殺之 夏四月己卯鑄四柱錢一當二十

梁末有兩柱錢及鵝眼錢時人雜用其價同但兩柱重鵝眼輕至是鑄四柱錢一當細錢二十

齊遣

使請和

使疏吏翻

壬午周王謁成陵

周太祖陵曰成陵

乙酉還宮

齊以太師斛律金為右丞相前大將軍可朱渾道元

為太傅

可朱渾道元前為車騎大將軍後齊置太師太傅太保是為三師擬古上公非勲德崇者不居

次有大司馬大將軍是為二大並典司武事次置太尉司徒司空是為三公皆第一品其驃騎車騎二將軍加大者在開國郡公下

開府儀同三司賀拔仁為太保尚

書令常山王演為司空錄尚書事長廣王湛為尚書令

右僕射楊愔為左僕射仍加開府儀同三司

愔於今翻

并省

尚書右僕射崔暹為左僕射上黨王渙錄尚書事

自高歡居

晉陽并州有行臺尚書令僕等官及齊顯祖受
魏禪遂以并州行臺為并省位任亞於鄴省

丁亥

周王享太廟 壬辰改四柱錢一當十丙申復閉細錢

閉者閉絕不使行細錢民間私鑄者也時私錢細
小交易以車載錢不復計數復扶又翻下復亦同 故

曲江侯勃主帥蘭鼓襲殺譚世遠軍主夏侯明徹殺鼓

持勃首降

帥所類翻鼓五哀
翻降戶江翻下同

勃故記室李寶藏奉懷安

侯任據廣州

任亦蕭氏子封懷安侯何
承天志鬱林郡有懷安縣

蕭孜余孝頃猶

據石頭為兩城各據其一多設船艦夾水而陳

艦戶黠
翻下同

陳讀 曰陣丞相霸先遣平南將軍侯安都助周文育擊之戊

成安都潛師夜燒其船艦文育帥水軍安都帥步軍進

攻之

帥讀曰率

蕭孜出降孝頃逃歸新吳文育等引兵還丞

相霸先以歐陽顏聲著南土復以顏為衡州刺史

衡上前有

東字按五代志南海郡含涯縣梁置衡州始興縣梁置東衡州此時蓋命顏鎮含涯也

使討嶺南

未至其子紇已克始興顏至嶺南諸郡皆降遂克廣州

嶺南悉平

為歐陽顏父子世據嶺南張本

周儀同三司齊軌謂御正

中大夫薛善曰

五代志御正中大夫屬大家宰五命

軍國之政當歸天子

何得猶在權門善以告晉公護護殺之以善為中外府

司馬

中外府都督中
外諸軍事府

五月戊辰余孝頃遣使詣丞相

府乞降

使疏
吏翻

王琳既不就徵大治舟艦將攻陳霸先

治直
之翻

六月戊寅霸先以開府儀同三司侯安都為西道

都督周文育為南道都督將舟師二萬會武昌以擊之

將即亮
翻下同

秋七月辛亥周王享太廟 河南北大蝗齊

主問魏郡丞崔叔瓚曰

五代志齊制上郡丞六品
中七品下八品瓚藏旱翻

何故

致蝗對曰五行志土功不時蝗蟲為災

五行志言蟲蝗
之災率歸之勞

民動衆故
叔瓚云然

今外築長城內興三臺殆以此乎齊主怒使

左右毆之

毆鳥口翻

擢其髮以溷沃其頭

擢拔也溷戶困翻不潔也

曳足

以出叔瓚季舒之兄也

八月丁卯周人歸梁世祖之

柩及諸將家屬千餘人於王琳

柩音舊

戊辰周王祭大

社 甲午進丞相霸先位太傅加黃鉞殊禮贊拜不名

九月辛丑進丞相為相國總百揆封陳公備九錫陳國

置百司

周孝愍帝性剛果惡晉公護之專權

惡鳥路翻

司

會李植自太祖時為相府司錄參掌朝政

周禮司會掌聽財用之會

計以詔王及冢宰後周之制司會中大夫屬大冢宰五命柱國大將軍府長史司馬司錄正七命會古外翻相

府司錄總錄相府之機務朝直遙翻

軍司馬孫恒亦久居權要

唐六典周禮大司馬

屬官有軍司馬下大夫蓋兵部郎中之任也後周依周置官軍司馬中大夫五命恒戶登翻

及護執

政植恒恐不見容乃與宮伯乙弗鳳賀拔提等共譖之

於周王

周禮宮伯掌王宮之士庶子凡在版者掌其政令行其秩叙作其徒役之事以時頒其衣裳掌

其誅賞屬天官冢宰後周左宮伯中大夫五命

植恒曰護自誅趙貴以來威權

日盛謀臣宿將爭往附之

將即亮翻

大小之政皆決於護以

臣觀之將不守臣節願陛下早圖之王以為然鳳提曰

以先王之明猶委植恒以朝政

朝直遙翻

今以事付二人何

惠不成且護常自此周公臣聞周公攝政七年

書曰惟周公誕

保文武受命惟七年

陛下安能七年邑邑如此乎

邑邑不得志之貌

王愈

信之數引武士於後園講習為執縛之勢

此事何必講習耶宜其謀

泄也數所角翻

植等又引宮伯張光洛同謀光洛以告護護乃

出植為梁州刺史恒為潼州刺史

五代志漢川郡置梁州金山郡西魏置潼

州隋開皇五年改曰錦州

欲散其謀後王思植等每欲召之護泣諫

曰天下至親無過兄弟若兄弟尚相疑它人誰可信者

太祖以陛下富於春秋屬臣後事

屬之欲翻

臣情兼家國

以家

則兄弟之親以國則君臣之義

實願竭其股肱若陛下親覽萬機威加

四海臣死之日猶生之年但恐除臣之後姦回得志非

唯不利陛下亦將傾覆社稷使臣無面目見太祖於九

泉且臣既為天子之兄位至宰相尚復何求

復扶又翻

願陛

下勿信讒臣之言踈棄骨肉王乃止不召而心猶疑之

鳳等益懼密謀滋甚刻日召羣公入醺

醺伊甸翻合飲也

因執

護誅之張光洛又以告護護乃召柱國賀蘭祥

周書祥傳曰其

先與魏俱起有統伏者為賀蘭莫何弗因以為氏

領軍尉遲綱等謀之祥等勸

護廢立時綱總領禁兵護遣綱入宮召鳳等議事及至

以次執送護第因罷散宿衛兵王方悟獨在內殿令宮

人執兵自守護遣賀蘭祥逼王遜位幽於舊第

略陽公舊第也

悉召公卿會議廢王為略陽公迎立岐州刺史寧都公

毓

五代志西城郡安康縣舊曰寧都

公卿皆曰此公之家事敢不唯命

是聽乃斬鳳等於門外

宮門之外也

孫恒亦伏誅時李植父

柱國大將軍遠鎮弘農

西魏之境東盡瀍洛以弘農為要地率用重將鎮之

護召

遠及植還朝

召植於梁州朝直遙翻

遠疑有變沈吟久之

沈持林翻

乃

曰大丈夫寧為忠鬼安可作叛臣邪遂就徵既至長安
護以遠功名素重猶欲全之引與相見謂之曰公兒遂
有異謀非止屠戮護身乃是傾危宗社叛臣賊子理宜
同疾公可早為之所乃以植付遠遠素愛植植又口辯
自陳初無此謀遠謂植信然詰朝將植謁護

詰去吉翻
將如字引

也護謂植已死左右白植亦在門護大怒曰陽平公不

信我

李遠封
陽平公

乃召入仍命遠同坐令略陽公與植相質

於遠前

質證也夫君臣無獄略陽公雖廢猶舊君也烏
有與舊臣相質之理宇文護不學無識如此求

良死
得乎

植辭窮謂略陽曰

略陽之下
當有公字

本為此謀欲安社稷

利至尊耳今日至此何事云云遠聞之自投於牀曰若
爾誠合萬死於是護乃害植并逼遠令自殺植弟叔詣
叔謙叔讓亦死餘子以幼得免初遠弟開府儀同三司
穆知植非保家之主每勸遠除之遠不能用及遠臨刑
泣謂穆曰吾不用汝言以至此穆當從坐以前言獲免

除名為民及其子弟亦免官植弟浙州刺史基

五代志
浙陽郡

西魏置浙州
漢析縣地也

尚義歸公主

公主宇文
泰之女也

當從坐穆請以二

子代基命護兩釋之後月餘護弑略陽公

年十

黜王后

元氏為尼癸亥寧都公自岐州至長安甲子即天王位

諱毓小名統萬突安定公泰之長子也泰臨夏州帝生於統萬因以名之

大赦

冬十月戊

辰進陳公爵為王辛未梁敬帝禪位於陳

梁天監元年受禪四主五

十六年而亡

癸酉周魏武公李弼卒

陳王使中書舍人

劉師知引宣猛將軍沈恪勒兵入宮衛送梁主如別宮

陳受禪後國之政事並由中書省有中書舍人五人分掌二十一局各當尚書諸曹並為上司總國內機要尚

書唯聽受而已劉師知陳王所親任者也宣猛將軍班第九

恪排闥見王叩頭謝曰

恪身經事蕭氏

侯景圍臺城恪為右軍將軍東土山主以拒戰功封東興縣侯

今日不

忍見此分受死耳

分扶問翻

決不奉命王嘉其意不復逼

扶復

又翻

更以盪主王僧志代之

盪主主驍銳跳盪之兵猶北齊之直盪都督也盪徒朗翻

又吐浪翻

乙亥王即皇帝位於南郊還宮大赦改元

始改元為永定

奉梁敬帝為江陰王梁太后為太妃皇后為妃以給事

黃門侍郎蔡景歷為祕書監兼中書通事舍人是時政

事皆由中書省置二十一局各當尚書諸曹總國機要尚

書唯聽受而已

史言蔡景歷委寄之重

丙子上幸鍾山祠蔣帝

廟庚辰上出佛牙於杜姥宅

齊初僧統法獻於烏纏國得佛牙常在定林上寺梁

天監末為攝山慶雲寺沙門慧興保藏慧興將終以屬弟慧志承聖末慧志密送於帝至是乃出之設無

遮大會帝親出闕前膜拜

膜拜胡禮拜也膜莫湖翻

辛巳追尊皇

考文讚為景皇帝廟號太祖皇妣董氏曰安皇后追立

前夫人錢氏為昭皇后

帝先娶同郡錢仲方女早卒

世子克為孝懷

太子立夫人章氏為皇后章后烏程人也置刪定郎

治律令

刪定郎自晉宋以來多置之治直之翻

乙酉周王祀園丘丙戌

祀方丘甲午祭太社戊子太祖神主祔太廟七廟始

共用一太牢

牛羊豕具為一太牢

始祖薦首餘皆骨體

侯安都

至武昌王琳將樊猛棄城走

將即亮翻下同

周文育自豫章會

之安都聞上受禪歎曰吾今茲必敗戰無名矣

始者以王琳不

應梁召而討之猶是挾天子以令諸侯今既受梁禪則安都之師為無名

時兩將俱行不相

統攝部下交爭稍不相平軍至郢州琳將潘純陀於城

中遙射官軍

射而亦翻

安都怒進軍圍之未克而王琳至奔

口

奔口奔水入江之口正對北岸大軍山

安都乃釋郢州悉衆詣沌口

沌柱

充翻

留沈泰一軍守漢曲

漢曲漢水之曲

安都遇風不得進琳據

東岸安都據西岸相持數日乃合戰安都等大敗

異曰考

典略云乙亥安都敗陳書云是月敗績按高祖以乙亥受禪安都聞之而歎豈同日乎今從陳書

安都

文育及裨將徐敬成周鐵虎程靈洗皆為琳所擒

將即亮翻

下同沈泰引軍奔歸琳引見諸將與語周鐵虎辭氣不屈

琳殺鐵虎而囚安都等總以一長鎖繫之置琳所坐榻

下

鑠蘇果翻榻音榻大船也

令所親宦者王子晉掌視之琳乃移湘

州軍府就郢城又遣其將樊猛襲據江州十一月丙

申上立兄子蒨為臨川王瑒為始興王弟子曇朗已死

而上未知遙立為南康王

項時在長安亦遙立也舊倉甸翻項呼玉翻曇徒含翻曇

朗死見上卷上年

庚子周王享太廟丁未祀圜丘十二月庚

午謁成陵癸酉還宮 譙淹帥水軍七千老弱三萬自

蜀江東下

譙淹自墊江東下為周所逼也言蜀江以別湘江帥讀曰率下皆帥同

欲就王

琳周使開府儀同三司賀若敦叱羅暉等擊之

若人者翻叱羅

虜複姓

斬淹悉俘其衆 是歲詔給事黃門侍郎蕭乾招

諭閩中時熊曇朗在豫章周迪在臨川留異在東陽陳

寶應在晉安共相連結閩中豪帥往往立砦以自保

帥所

類翻若柴夫翻依險立木壘石以自保守曰砦上患之使乾諭以禍福豪帥皆

帥衆請降

降戶江翻

即以乾為建安太守

按五代志閩州建安縣舊置建安郡

南安縣舊曰晉安建安之地唐為建州晉安之地唐為泉州

乾子範之子也

蕭子範齊豫章

王嶷之子

初梁興州刺史席固以州降魏周太祖以固為

豐州刺史

五代志浙陽郡武當縣舊置武當郡及始平郡後改為齊興郡梁置興州後周改為豐州

隋改為均州降戶江翻

久之固猶習梁法不遵北方制度周人密

欲代之而難其人乃以司憲中大夫令狐整權鎮豐州

唐六典曰後周秩官置司憲中大夫二人掌丞司寇之法以左右刑罰蓋比御史中丞之職也委以代

固之略整廣布威恩傾身撫接數月之間化洽州府於

是除整豐州刺史以固為湖州刺史

五代志春陵郡湖陽縣後魏置淮安

郡及南襄州後改為南平州西魏改曰昇州後又改曰湖州

整遷豐州於武當旬日

之間城府周備遷者如歸固之去也其部曲多願留為

整左右整諭以朝制弗許

朝制謂周朝之法制朝直遙翻

莫不流涕而

去齊人於長城內築重城自庫洛枝東至鳴紇戍

北史

作庫洛枝塢紇戍重直龍翻

凡四百餘里

初齊有術士言亡高者

黑衣故高祖每出不欲見沙門顯祖在晉陽問左右何

物最黑對曰無過於漆帝以上黨王渙於兄弟第七使

庫直都督破六韓伯昇之鄴徵渙渙至紫陌橋殺伯昇

而逃浮河南度至濟州為人所執送鄴

黑者字文戎衣也齊顯祖乃因

此以殺其弟何異秦以亡秦者胡而伐匈奴唐太宗以代唐者武氏而殺李君羨濟子禮翻

帝之為

太原公也與永安王浚皆見世宗

見賢遍翻

帝有時洩出

鼻液

曰浚責帝左右曰何不為二兄拭鼻

顯祖於兄弟之次第二為干偽翻

帝深銜之及即位浚為青州刺史聰明矜恕吏民悅之

浚以帝嗜酒私謂親近曰二兄因酒敗德

敗補邁翻

朝臣無

敢諫者

朝直遙翻下同

大敵未滅

大敵謂周也

吾甚以為憂欲乘驛

至鄴面諫不知用吾不

不讀曰否

或密以白帝帝益銜之浚

入朝從幸東山帝裸程為樂

裸程露體也裸郎果翻程馳成翻樂音洛

浚進

諫曰此非人主所宜帝不悅浚又於屏處召楊愔

屏必鄧翻

屏處隱蔽之處

譏其不諫帝時不欲大臣與諸王交通愔懼奏

之帝大怒曰小人由來難忍

由來猶今人言從來

遂罷酒還宮浚

尋還州又上書切諫詔徵浚浚懼禍謝疾不至帝遣馳

驛收浚老幼泣送者數千人至鄴與上黨王渙皆盛以

鐵籠

盛時征翻

寘於北城地牢飲食搜穢共在一所

搜所鳩翻

二年春正月王琳引兵下至湓城屯於白水浦帶甲十

萬琳以北江州刺史魯悉達為鎮北將軍上亦以悉達

為征西將軍各送鼓吹女樂

吹尺瑞翻

悉達兩受之遷延顧

望皆不就上遣安西將軍沈泰襲之不克琳欲引軍東

下而悉達制其中流琳遣使說誘終不從

使疏吏翻說式芮翻下林

說同誘音酉

己亥琳遣記室宗競求援於齊

競迄逆翻

且請納梁

永嘉王莊以主梁祀

莊質齊見上卷梁敬帝紹泰元年

衡州刺史周迪

欲自據南川

自南康至豫章之地謂之南川以南江所經言之也

乃總召所部八

郡守宰結盟齊言入赴

廸所部八郡南康宜春安成廬陵臨川巴山豫章豫寧也姚思

廉陳書作聲言入赴守式又翻

上恐其為變厚慰撫之新吳洞主余孝

頃遣沙門道林說琳曰周廸黃法氈皆依附金陵陰窺

間隙

氈巨俱翻間古莧翻

大軍若下必為後患不如先定南川然

後東下孝頃請席卷所部以從下吏

卷讀曰捲

琳乃遣輕車

將軍樊猛平南將軍李孝欽平東將軍劉廣德將兵八

千赴之使孝頃總督三將屯於臨川故郡

臨川故郡周數所屯也琳

遣兵攻廸

並以脅數徵兵糧於廸以觀其所為

以開府儀同三

司侯瑱為司空衡州刺史歐陽頎為都督交廣等十九

州諸軍事廣州刺史

瑱他句翻又音鎮顧魚委翻

周以晉公護為

太師辛丑上祀南郊大赦乙巳祀北郊辛亥周王

耕籍田

癸丑周立王后獨孤氏

后獨孤信之女

戊午上祀

明堂

二月壬申南豫州刺史沈泰奔齊

泰進不能救侯安都之覆

敗退不能制魯悉達之倔彊蓋懼罪而北奔也考異曰北齊帝紀在八月今從陳帝紀

齊北豫

州刺史司馬消難以齊主昏虐滋甚陰為自全之計曲

意撫循所部消難尚高祖女

難乃旦翻齊主尊其父歡廟號高祖

情好不

睦公主訴之

好呼到翻

上黨王渙之亡也鄴中大擾疑其赴

成臯

齊北豫州治虎牢成臯之地也

消難從弟子瑞為尚書左丞

從才用翻

與御史中丞畢義雲有隙義雲遣御史張子階詣北豫

州采風聞先禁消難典籤家客等消難懼密令所親中

兵參軍裴藻託以私假

假居訝翻休假也

間行入關請降於周

間古覓翻下間道同降戶江翻

三月甲午周遣柱國達奚武大將軍楊

忠帥騎士五千迎消難

帥讀曰率騎奇寄翻下同

從間道馳入齊境

五百里前後三遣使報消難皆不報

使疏
史翻

去虎牢三十

里武疑有變欲還忠曰有進死無退生獨以千騎夜趣

城下

趣七
喻翻

城四面峭絕

峭七
笑翻

但聞擊柝聲武親來麾數

百騎西去忠勒餘騎不動俟門開而入馳遣召武齊鎮

城伏敬遠勒甲士二千人據東城

鎮城即防城大都督
之任東城虎牢城之

東偏也北
史作東陴

舉烽嚴警武憚之不欲保城乃多取財物以

消難及其屬先歸忠以三千騎為殿

殿丁
練翻

至洛南皆解

鞍而臥齊衆來追至洛北忠謂將士曰但飽食今在死

地賊必不敢度水已而果然乃徐引還武歎曰達奚武

自謂天下健兒今日服矣周以消難為小司徒

唐六典曰周之

地官小司徒中大夫也

後周依周官杜佑通典後周地官小司徒上大夫六命

考異曰北齊帝紀

四月消難

叛今從周書典略

丁酉齊主自晉陽還鄴

考異曰北齊帝紀天保七年八月

帝如晉陽不言其還八年四月帝在城東馬射敕京師婦女悉赴觀是在鄴也此月又言至自晉陽六月乙丑

帝自晉陽北巡則又復在晉陽必有差互今不敢增損

齊發兵援送梁永嘉王

莊於江南冊拜王琳為梁丞相都督中外諸軍錄尚書

事琳遣兄子叔寶率所部十州刺史子弟赴鄴琳奉莊

即皇帝位

考異曰北齊帝紀十一月丁巳琳遣使請立莊仍以江州內屬令莊居之十二月癸酉

詔莊為梁主進居九派今從陳書及典略然陳書典略皆云立莊於郢州按琳時在湓城蓋始居江州後遷郢

州改元天啓追諡建安公淵明曰閔皇帝

淵明廢見上卷梁敬帝紹

泰元年卒見太平元年

莊以琳為侍中大將軍中書監餘依齊朝

之命

朝直遙翻

夏四月甲子上享太廟

乙丑上使人害

梁敬帝立梁武林侯諮之子季卿為江陰王 己巳周

以太師護為雍州牧

後周雍州牧九命雍於用翻

甲戌周王后獨

孤氏殂 辛巳齊大赦 齊主以旱祈雨於西門豹祠

不應毀之并掘其冢

戰國時魏以西門豹為鄴令鑿十二渠以利民故祠冢皆在鄴

五月癸巳余孝頃等屯二萬軍於工塘連八城以逼周

迪

等下有衆字文意乃暢

迪懼請和并送兵糧樊猛等欲受盟而

還

還從宣翻又如字

孝頃貪其利不許樹柵圍之由是猛等與

孝頃不協

周以大司空侯莫陳崇為大宗伯 癸丑

齊廣陵南城主張顯和長史張僧那各帥所部來降

帥讀

曰率降戶江翻

辛丑齊以尚書令長廣王湛錄尚書事驃騎

大將軍平秦王歸彥為尚書左僕射

驃匹妙翻騎奇寄翻

甲辰以

前左僕射楊愔為尚書令 辛酉上幸大莊嚴寺捨身

前車覆矣後車不知戒耳 目習於事佛不知其非也 壬戌羣臣表請還宮 六月

乙丑齊主北巡以太子殷監國

監工 銜翻

因立大都督府與

尚書省分理衆務仍開府置佐齊主特崇其選以趙郡

王叡為侍中攝大都督府長史 己巳詔司空侯瑱與

領軍將軍徐度帥舟師為前軍以討王琳

帥讀 曰率

齊主

至祁連池

祁連池即汾陽之天 池北人謂天為祁連

戊寅還晉陽 秋戊戌

上幸石頭送侯瑱等

秋七月 戊戌也

高州刺史黃法甌吳興

太守沈恪寧州刺史周敷

時孟即臨川故郡置寧州以敷為刺史

合兵救

周廸敷自臨川故郡斷江口

斷音短

分兵攻余孝頃別城

樊猛等不救而沒劉廣德乘流先下故獲全孝頃等皆

棄舟引兵步走廸追擊盡擒之送孝頃及李孝欽於建

康歸樊猛於王琳

甲辰上遣吏部尚書謝哲往諭王

琳哲肫之孫也

謝肫莊之子歷仕宋齊梁肫敷尾翻

八月甲子周大赦

乙丑齊主還鄴

辛未詔臨川王蒨西討

蒨倉甸翻

以舟

師五萬發建康上幸冶城寺送之

甲戌齊主如晉陽

王琳在白水浦周文育侯安都徐敬成許王子晉以

厚賂子晉乃偽以小船依艣而釣

艣音榻

夜載之上岸入

深草中步投陳軍還建康自劾上引見並宥之

上時掌翻劾戶

槩翻又戶得翻見賢遍翻

戊寅復其本官

文育安都敗軍而不誅遽復其官何也二人當時名

將誅之則無以為用故也

謝哲返命王琳請還湘州詔追衆軍還

癸未衆軍至自大雷

九月甲申周封少師元羅為韓

國公以紹魏後

江陵之陷元羅還魏

丁未周王如同州冬十月

辛酉還長安

余孝頃之弟孝勸及子公颺猶據舊柵

不下

新吳舊柵也勸音邁賜余章翻

庚午詔開府儀同三司周文育都

督衆軍出豫章討之

齊三臺成更名銅爵曰金鳳金

虎曰聖應水井曰崇光

魏武築三臺於鄴城西北皆因城為之基中曰銅爵臺高十丈

石虎更增二丈南曰金虎臺北曰水井臺皆高八丈更工衡翻

十一月甲午齊主至鄴

大赦齊主遊三臺戲以槊刺都督尉子輝應手而斃

槊色

角翻刺七亦翻考異曰北史作子耀今從北齊書典略

常山王演以帝沈湎憂憤

形於顏色帝覺之曰但令汝在我何為不縱樂

沈持林翻樂音

洛演唯涕泣拜伏竟無所言帝亦大悲抵盃於地曰汝

似嫌我如自今敢進酒者斬之因取所御盃盡壞棄

壞音怪

未幾沈湏益甚或於諸貴戚家角力批拉幾居豈翻沈持

林翻批自結翻又偏迷翻手擊也拉盧合翻

不限貴賤唯演至則內外肅然

演又密撰事條將諫其友王晞以為不可

諸王宮寮有師有友

演

不從因間極言

間古苑翻

遂逢大怒演性頗嚴尚書郎中剖

斷有失

斷丁亂翻

輒加捶楚令史姦慝即考竟

演為尚書令故然捶止案

翻

帝乃立演於前以刀鏐擬脇

以刀鏐擬演脇示將築殺之

召被演

罰者

被皮義翻

臨以白刃求演之短咸無所陳乃釋之晞所

之弟也

王昕見下
昕許斤翻

帝疑演假辭於晞以諫欲殺之王私

謂晞曰

王即演也通鑑因齊
史修治有未純者耳

王博士明日當作一條事

為欲相活

為子
偽翻

亦圖自全宜深體勿怪乃於眾中杖晞

二十帝尋發怒聞晞得杖以故不殺

以其得杖之故謂
非教演為之遂不

殺髡鞭配甲坊居三年演又因諫爭大被毆撻

爭讀曰
諍被皮

義翻毆烏口翻

考異曰北史孝昭紀云文宣賜帝魏

時宮人醒而忘之謂帝擅取遂令刀鐐亂築因此致困

今從北史

閉口不食太后日夜涕泣帝不知所為曰儻

王晞傳

小兒死奈我老母何於是數往問演疾謂曰努力彊食

數所角翻彊其
兩翻下強坐同

當以王晞還汝乃釋晞令詣演演抱晞

曰吾氣息惛然

惛丑換翻類篇曰困劣也

恐不復相見

復扶又翻

晞流涕

曰天道神明豈令殿下遂斃此舍

言天道福善禍淫不應使演遂死於此

至尊親為人兄尊為人主安可與計

言難與計是非也

殿下不

食太后亦不食殿下縱不自惜獨不念太后乎言未卒

演強坐而飯

卒子恤翻飯扶晚翻

晞由是免徒

配甲坊徒刑也由此得免

還為

王友及演錄尚書事除官者皆詣演演謝去必辭晞言於

演曰受爵天朝拜恩私第

晉羊祜之言朝直遙翻

自古以為不可

宜一切約絕演從之久之演從容謂晞曰主上起居不

恒鄉宜耳目所具吾豈可以前逢一怒遂爾結舌卿宜

為譏諫草

從千容翻恒戶登翻為于偽翻

吾當伺便極諫

伺相吏翻

晞遂條

十餘事以呈因謂演曰今朝廷所恃者惟殿下乃欲學

匹夫耿介輕一朝之命狂藥令人不自覺

狂藥謂酒也

刀箭

豈復識親踈

復扶又翻

一旦禍出理外將奈殿下家業何奈

皇太后何演歎歎不自勝

歎音希又許氣翻歎音虛勝音升

曰乃至是

乎明日見晞曰吾長夜久思今遂息意即命火對晞焚

之楚諫草也

後復承間苦諫帝使力士反接

復扶又翻間古覓翻反接兩手

向後也

拔白刃注頸罵曰小子何知是誰教汝演曰天下

噤口非臣誰敢有言帝趣杖亂捶之數十

噤巨禁翻趣讀曰促

會

醉臥得解帝褻黷之遊徧于宗戚所往留連

盤樂忘返謂之留連

唯至常山第多無適而去

適歡極也

尚書左僕射崔暹屢諫

演謂暹曰今太后不敢言吾兄弟杜口僕射獨能犯顏

內外深相感愧

常山齊之賢王文宣淫酗規正為多齊之史臣因其嗣祚亦多溢美觀者能於

辭令之間詳其溢美者則幾矣

太子殷自幼溫裕開朗禮士好學

好呼到翻

關覽時政甚有美名帝常嫌太子得漢家性質不似我

欲廢之

鮮卑謂中國人為漢

帝登金鳳臺召太子使手刃囚太子

惻然有難色再三不斷其首帝大怒親以馬鞭撞之

丁斷

管翻撞直江翻

太子由是氣悸語吃

悸其季翻吃居乞翻言蹇也

精神昏擾

帝因酣宴屢云太子性懦社稷事重終當傳位常山太

子少傅魏收謂楊愔曰太子國之根本不可動搖至尊

三爵之後每言傳位常山令臣下疑二若其實也當決

行之此言非所以為戲恐徒使國家不安愔以收言白

帝帝乃止帝既殘忍有司訊囚莫不嚴酷或燒犁耳使

立其上或燒車

金缸姑紅翻車轂中鐵也

使以臂貫之既不勝苦

皆至誣伏

勝音升

唯三公郎中武彊蘇瓊

三公郎自魏晉以來有之五代

志後齊尚書列曹三公郎中屬殿中尚書掌五時讀時

令諸曹囚帳斷罪赦日建金雞等事劉昫曰武彊漢武

隧縣屬河間國晉改曰武彊屬安平國後魏屬廣宗郡

又置武邑郡五代志曰齊廢郡為武彊縣至隋屬信都

郡

歷職中外所至皆以寬平為治

治直吏翻

時趙州及清河

屢有人告謀反者前後皆付瓊推檢事多申雪尚書崔

昂謂瓊曰若欲立功名當更思餘理數雪反逆

數所身角翻

命何輕瓊正色曰所雪者冤枉耳不縱反逆也昂大慙

帝怒臨漳令稽暉

晉避愍帝諱改鄴為臨漳尋沒於石勒復曰鄴東魏天平初分鄴併內黃

斤邱肥鄉置臨漳縣

舍人李文思以賜臣下為奴中書侍郎彭城

鄭頤私誘祠部尚書王昕曰自古無朝士為奴者昕曰

箕子為之奴

此論語孔子之言鄭頤誘王昕使言而陷之邦無道危行言孫聖人包周身之防也

如此誘音酉朝直遙翻下同

頤以白帝曰王元景比陛下於紂

王昕字元

景以字行帝銜之頃之帝與朝臣酣飲昕稱疾不至帝遣騎

執之

寄騎奇翻

見方搖膝吟咏遂斬於殿前投尸漳水齊主

北築長城南助蕭莊士馬死者以數十萬計重以修築

臺殿

重直用翻

賜與無節府藏之積不足以供

藏徂浪翻

乃減百

官之祿撤軍人常廩併省州郡縣鎮戍之職以節費用

焉 十二月庚寅齊以可朱渾道元為太師尉粲為太

尉冀州刺史段韶為司空常山王演為大司馬長廣王

湛為司徒 壬午周大赦 齊主如北城因視永安簡

平王浚上黨剛肅王渙於地牢帝臨穴謳歌令浚等和

之浚等惶怖且悲不覺聲顫

和胡卧翻怖普布翻顫之膳翻

帝愴然為

之下泣

為于偽翻泣淚也

將赦之長廣王湛素與浚不睦進曰

猛虎安可出穴帝默然浚等聞之呼湛小字曰步落稽

皇天見汝帝亦以浚與渙皆有雄略恐為後害乃自刺

渙又使壯士劉桃枝就籠亂刺

刺七亦翻

槩每下

槩色角翻

浚渙

輒以手拉折之號哭呼天

史言浚渙之多力折而設翻號戶高翻

於是薪

火亂投燒殺之填以土石後出之皮髮皆盡尸色如炭

遠近為之痛憤

為于偽翻

帝以儀同三司劉郁捷殺浚以浚

妃陸氏賜之馮文洛殺渙以渙妃李氏賜之

為李妃捷馮文洛張

本二人皆帝家舊奴也陸氏尋以無寵於後得免高

涼太守馮寶卒海隅擾亂寶妻洗氏懷集部落數州晏

然其子僕生九年是歲遣僕帥諸酋長入朝洗息典翻帥讀曰率

酋慈秋翻詔以僕為陽春太守五代志高涼郡陽春縣梁置陽春郡後

梁主遣其大將軍王操將兵略取王琳之長沙武陵南

平等郡琳兵東下故後梁得以乘虛取之操將即亮翻

三年春正月己酉周太師護上表歸政上時掌翻周王始親

萬機軍旅之事護猶總之初改都督州軍事為總管諸州

總管自此始

王琳召桂州刺史淳于量

五代志始安郡梁置桂州今為靜江

府量雖與琳合而潛通於陳二月辛酉以量為開府儀

同三司

壬午侯瑱引兵焚齊舟艦於合肥

艦戶黠翻

丙

戌齊主於甘露寺禪居深觀

據齊紀甘露寺在遼陽此鄙語所謂獼猴坐禪也

唯軍國大事乃以聞尚書左僕射崔暹卒齊主幸其第

哭之謂其妻李氏曰頗思暹乎對曰思之帝曰然則自

往省之

省悉景翻

因手斬其妻擲首牆外

齊斛律光將騎

一萬

將即亮翻下同騎奇寄翻

擊周開府儀同三司曹回公斬之柏

谷城主薛禹生弃城走遂取文侯鎮立戍置柵而還

從

宣翻又
如字

三月戊戌齊以高德政為尚書右僕射

吐

谷渾寇周邊

吐從嗽入
聲谷音浴

庚戌周遣大司馬賀蘭祥擊之

丙辰齊主至鄴

梁示嘉王莊至郢州遣使入貢於

齊

使疏
吏翻

王琳遣其將雷文策襲後梁監利太守蔡大有

殺之

沈約曰監利縣疑是吳所立晉屬南郡宋屬巴陵
郡後梁置監利郡今監利在江陵府東南百八十

里

齊主之為魏相也

相息
亮翻

膠州刺史定陽文肅侯杜

弼為長史

五代志高密郡舊置膠州唐武德五年改曰
密州五代志文城郡吉昌縣後魏曰定陽

帝將受禪弼諫止之

見一百六十三卷
簡文帝大寶元年

帝問治國當用

何人

治直
之翻

對曰鮮卑車馬客會須用中國人帝以為譏

已銜之高德政用事弼不為之下嘗於衆前面折德政

德政數言其短於帝弼恃舊不自疑

折之古翻數所角
翻下同高德政讒

杜弼而不知揚惜之忌已杜弼恃舊而不疑德政之讒
已昏昏於利欲之場祇思害人而不知其身之受害者

多夏帝因飲酒積其愆失遣使就州斬之

使疏
吏翻

既而悔

之驛追不及

閏四月戊子周命有司更定新歷

更工
衡翻

丁酉遣鎮北將軍徐度將兵城南皖口

南皖口皖水
入江之口也

祝穆曰皖水自霍山縣流入經懷寧縣北二里又東南流三百四十里入大江吳地志皖口今舒州之山口鎮

將即亮翻
皖戶板翻

齊高德政與楊愔同為相愔常忌之高德政事

齊主於初潛禪代之際又德政勸成之權利所集故為楊愔所忌

齊主酣飲德政數彊

諫數所

角翻

齊主不悅謂左右曰高德政恒以精神凌逼人

恒戶登翻

德政懼稱疾欲自退帝謂楊愔曰我大憂德政病

對曰陛下若用為冀州刺史病當自差

差叱駕翻病差猶言病瘳也

帝從之德政見除書即起帝大怒召德政謂曰聞爾病

我為爾針

醫家按穴用針可以愈疾故云然為于偽翻

親以小刀刺之血流

霑地又使曳下斬去其足

刺七亦翻去羌呂翻

劉桃枝執刀不敢

下帝責桃枝曰爾頭即墮地桃枝乃斬其足之三指帝

怒不解囚德政於門下

因於門下省

其夜以羶輿送還家明

旦德政妻出珍寶滿四牀欲以寄人帝奄至其宅見之

怒曰我御府猶無是物詰其所從得皆諸元賂之遂曳

出斬之妻出拜又斬之

高德政之禍猶宋之顏竣也詰去吉翻

并其子伯

堅以司州牧彭城王浹為司徒侍中高陽王浟為尚書

右僕射乙巳以浹兼太尉

浹夷周翻浟常職翻

齊主封子紹廉

為長安王 辛亥周以侯莫陳崇為大司徒達奚武為

大宗伯武陽公豆盧寧為大司寇

五代志隸為郡隸為縣後周曰武陽令狐

德業曰寧之先本慕容氏前燕之枝庶也歸魏賜姓豆盧氏

柱國輔城公邕為大司

空

輔城郡名在汝州郟城縣

乙卯周詔有司無得糾赦前事唯廐

庫倉廩與海內所共若有侵盜雖經赦宥免其罪徵備

如法

備償也今人猶言填備

周賀蘭祥與吐谷渾戰破之拔其

洮陽洪和二城以其地為洮州

李延壽曰賀蘭之先與魏俱起有乞伏為賀蘭

莫何弗因以為氏劉昫唐志洮州臨潭縣本吐谷渾之洪和城後周攻得之置美相縣唐為臨潭縣洮州治焉

後移治洮陽城仍於舊洪和城置美相縣天寶中廢美相併入臨潭洮土刀翻

五月丙辰朔

日有食之齊太史奏今年當除舊布新齊主問於特

進彭城公元韶曰漢光武何故中興對曰為誅諸劉不

盡偽為翻於是齊主悉殺諸元以厭之厭協翻癸未誅始平

公元世哲等二十五家囚韶等十九家韶幽於地牢絕

食啗衣袖而死啗徒敢翻又徒濫翻周文育周迪黃法範共討

余公颺公颺孝頃子也颺音揚豫章太守熊曇朗引兵會之衆且

萬人文育軍於金口自豫章西南入象牙江至金溪口公颺詐降謀執

文育文育覺之因送建康

降戶江翻

文育進屯三陂王琳遣

其將曹慶帥二千人救余孝勸

將即亮翻下同帥讀曰率下自帥達帥同

慶

分遣主帥常衆愛與文育相拒

帥所類翻

自帥其衆攻周迪

及安南將軍吳明徹迪等敗文育退據金口熊曇朗因

其失利謀殺文育以應衆愛監軍孫白象聞其謀勸文

育先之

監工銜翻先悉薦翻

文育不從時周迪棄船走不知所在

乙酉文育得迪書自齎以示曇朗曇朗殺之於坐而併

其衆

坐徂卧翻

因據新淦城

新淦縣自漢至蕭齊屬豫章郡五代志屬廬陵郡唐屬吉州淦

音紺又音甘

曇朗將兵萬人襲周敷擊破之曇朗單騎奔

巴山

騎奇寄翻

魯悉達部將梅天養等引齊軍入城

魯悉達據

新蔡城

悉達帥麾下數千人濟江自歸拜平南將軍北江

州刺史

五代志宣城郡南陵縣陳置北江州

六月戊子周以霖雨詔羣

臣上封事極諫左光祿大夫猗氏樂遜上言四事

猗氏縣漢

以來屬河東郡古郇瑕氏之地後以猗頓居之以鹽鹽致富遂改為猗氏上時掌翻

其一以為比

來守令代期既促

比昆至翻守式又翻

責其成效專務威猛今關

東之民淪陷塗炭若不布政優優

詩商頌之辭毛萇曰優優和也

聞諸

境外

聞音問

何以使彼勞民歸就樂土

樂音洛

其二以為頃

者魏都洛陽一時殷盛貴勢之家競為侈靡終使禍亂

交興天下喪敗

喪息淚翻

比來朝貴器服稍華

朝直遙翻

百工造

作務盡奇巧臣誠恐物逐好移有損政俗

好呼到翻

其三以

為選曹補擬宜與衆共之今州郡選置猶集鄉閭況天

下銓衡不取物望既非機事何足可密

以此觀之選曹補擬皆密奏於

上蓋自晉山濤啟事始也

其選置之曰宜令衆心明白然後呈奏其

四以為高洋據有山東未易猝制譬猶碁劫相持爭行

先後奕碁有劫彼此爭行以相持以先後着決一枰之勝負易以鼓翻若一行不當當

浪翻或成彼利誠應捨小營大先保封域不宜貪利邊陲

輕為舉動周處士韋覓處昌呂翻覓休正翻孝寬之兄也志尚

夷簡魏周之際十徵不屈周太祖甚重之不奪其志世

宗禮敬尤厚號曰逍遙公晉公護延之至第訪以政事

護盛脩第舍覓仰視堂歎曰酣酒嗜音峻宇彫牆有一

於此未或不亡夏書五子之歌之辭護不悅驃騎大將軍開府儀

同三司寇雋寇雋所居官後周之九命也讚之孫也寇讚自秦歸魏見一百一十八

卷晉安帝義熙十四年

少有學行家人常賣物多得絹五匹儁於

後知之曰得財失行

少詩照翻行下孟翻

吾所不取訪主還之敦

睦宗族與同豐約教訓子孫必先禮義

先悉薦翻

自大統中

稱老疾不朝謁

朝直達翻下同

世宗虛心欲見之儁不得已入

見入見賢遍翻

王引之同席而坐問以魏朝舊事載以御輿

令於王前乘之以出顧謂左右曰如此之事唯積善者

可以致之

史言周王禮賢

周文育之討余孝勳也帝令南豫

州刺史侯安都繼之文育死安都還遇王琳將周吳周

協南歸

王琳使周吳助曹慶攻周迪自南川歸也將即亮翻吳古迴翻

與戰擒之孝勣

弟孝猷帥所部四千家詣安都降

帥讀曰率降戶江翻

安都進軍

至左里擊曹慶常衆愛破之衆愛奔廬山庚寅廬山民

斬之傳首

詔臨川王蒨於南皖口置城

蒨倉甸翻

使東徐

州刺史吳興錢道戢守之

戢則立翻

丁酉上不豫丙午殂

年五十七上臨戎制勝英謀獨運而為政務崇寬簡非軍旅

急務不輕調發性儉素常膳不過數品私宴用瓦器蚌

盤

調徒釣翻蚌盤者髹器以蚌為飾今謂之螺鈿蚌步項翻

殽核充事而已後宮無

金翠之飾不設女樂時皇子昌在長安

梁元帝承聖元年徵昌為領直

江陵之陷沒於長安

內無嫡嗣外有強敵宿將皆將兵在外朝無

重臣

將即亮翻朝直遙翻下同

唯中領軍杜稜典宿衛兵在建康章

皇后召稜及中書侍郎蔡景歷入禁中定議秘不發喪

急召臨川王椿於南皖景歷親與宦者宮人密營斂具

斂力贍翻

時天暑須治梓宮

治直之翻

恐斧斤之聲聞於外乃以

蠟為祕器

蠟蜜滓也漢宮有東園祕器聞音問

文書詔敕依舊宣行侯安

都軍還適至南皖與臨川王俱還朝甲寅王至建康入

居中書省安都與羣臣定議奉王嗣位王謙讓不敢當

皇后以昌故未肯下令羣臣猶豫不能決安都曰今四

方未定何暇及遠臨川王有大功於天下

武帝既殺王僧辯使蒨平

杜龕張彪等以定東土故云有大功

須共立之今日之事後應者斬即按

劍上殿白皇后出璽又手解蒨髮推就喪次

上時掌翻璽斯氏翻

推吐雷翻為侯安都特定策之功以殺其身張本

遷殯大行於太極西階皇后

乃下令以蒨纂承大統是日即皇帝位大赦秋七月丙

辰尊皇后為皇太后辛酉以侯瑱為太尉侯安都為司

空齊顯祖將如晉陽乃盡誅諸元或祖父為王或身

嘗貴顯皆斬於東市其嬰兒投於空中承之以稍

稍所角翻

與槩同

前後死者凡七百二十一人悉棄尸漳水剖魚者

往往得人爪甲鄴下為之久不食魚

為於偽翻

使元黃頭與

諸囚自金鳳臺各乘紙鴟以飛黃頭獨能至紫陌乃墮

仍付御史中丞畢義雲餓殺之

齊主每令死囚以席為翅從臺上飛下免其罪

戮今欲夷諸元黃頭雖免殊死猶餓殺之

唯開府儀同三司元蠻祠部郎中

元文遙等數家獲免

曹魏置祠部郎五代志齊尚書曹祠部郎掌祠祀醫藥贈賜等事

蠻繼之子常山王演之妃父

江陽王繼元父之

文遙遵

之五世孫也

常山公遵佐道武帝定中原

定襄令元景安

此後漢新興郡之定

襄也在隋秀容縣界

虔之玄孫也

陳留王虔亦佐道武帝與燕主垂戰敗而死

欲請改

姓高氏其從兄景皓曰

從才用翻

安有棄其本宗而從人之

姓者乎丈夫寧可玉碎何能瓦全景安以其言白帝帝

收景皓誅之賜景安姓高氏八月甲申葬武皇帝於

萬安陵廟號高祖戊戌齊封皇子紹義為廣陽王以

尚書右僕射河間王孝琬為左僕射都官尚書崔昂為

右僕射 周御正中大夫崔猷建議以為聖人沿革因時制宜今天子稱王不足以威天下請遵秦漢舊制稱皇帝建年號乙亥周王始稱皇帝追尊文王曰文皇帝改元武成 癸卯齊詔民間或有父祖冒姓元氏或假托攜養者不問世數遠近悉聽改復本姓 初高祖追

諡兄道譚為始興昭烈王以其次子項襲封及世祖即

位項在長安未還

項與昌俱在長安

上以本宗乏饗

始興王道譚二子上

入纂皇緒而項留長安故本宗無主祭者世祖即上廟號

戊戌詔徙封項為安成王

皇子伯茂為始興王

以奉道譚祀

初周太祖平蜀

見一百六十五

卷梁元帝承聖二年

以其形勝之地不欲使宿將居之

將即亮翻

問諸

子誰可往者皆不對少子安成公憲請行

少詩照翻

太祖以

其幼不許壬子周人以憲為益州總管時年十六善於

撫綏留心政術蜀人悅之九月乙卯以大將軍天水公

廣為梁州總管廣導之子也

宇文導周太祖之兄子

辛酉立皇

子伯宗為太子 己巳齊主如晉陽 辛未周主封其

弟輔城公邕為魯公安成公憲為齊公純為陳公盛為

越公達為代公通為冀公通為滕公

通音由

乙亥立太

子母吳興沈妃為皇后

周少保懷寧莊公蔡祐卒

五代

志蜀郡成都縣舊制懷寧等四郡

齊顯祖嗜酒成疾不復能食

復扶又翻

自知不能久謂李后曰人生必有死何足致惜但憐正

道尚幼人將奪之耳

齊太子殷字正道

又謂常山王演曰奪則

任汝慎勿殺也尚書令開封王揚愔領軍大將軍平秦

王歸彥侍中廣漢燕子獻

五代志滎陽郡浚儀縣舊置開封郡扶風郡雍縣後魏置

平秦郡蜀郡雒縣舊曰廣漢

黃門侍郎鄭願皆受遺詔輔政冬十月

甲午殂年三十一癸卯發喪羣臣號哭無下泣者以其殘暴故哭而不

哀號戶唯楊愔涕泗嗚咽太子殷即位殷字正道小字道人文宣帝嫡

子也大赦庚戌尊皇太后為太皇太后皇后為皇太后詔

諸土木金鐵雜作一切停罷王琳聞高祖殂乃以少

府卿吳郡孫瑒為郢州刺史總留任瑒雄杏翻又音暢奉梁永

嘉王莊出屯濡須口齊揚州道行臺慕容儼帥眾臨江

為之聲援帥讀曰率十一月乙卯琳寇大雷五代志同安郡望江縣陳置大

雷詔侯瑱侯安都及儀同徐度將兵禦之將即亮翻安州刺

史吳明徹夜襲湓城

五代志寧越郡梁置安州隋開皇十八年改曰欽州

琳遣巴

陵太守任忠擊明徹大破之明徹僅以身免琳因引兵

東下齊以右丞相斛律金為左丞相常山王演為太

傅長廣王湛為太尉段韶為司徒平原王淹為司空高

陽王浟為尚書左僕射河間王孝琬為司州牧侍中燕

子獻為右僕射

辛未齊顯祖之喪至鄴

自晉陽至鄴

十

二月戊戌齊徙上黨王紹仁為漁陽王廣陽王紹義為

范陽王長樂王紹廣為隴西王

樂音洛

資治通鑑卷一百六十七